

تَنْبُوْا

مجلة جمعية القاهرة الخيرية الأزمنية العامة

ՏԵՉԵԿԱՏՈՒ

ՀՐԱՏԵՐԱԿՈՒՄԻՆ ԳԱՏԻՐԷԻ Հ.Բ.ԸՄԻՈՒԹԵՆԸ

المدير المسئول ا. صاروخان — ١٥ شارع عماد الدين — تليفون ٥٥٦٣٦

Ե. Տ Ա Ր Ի

Թ Ի Ի — 4

1961

Բ Ո Վ Ա Ն Դ Ա Կ Ո Ւ Թ Ի Ի Ն

	ԷԶ
Հ.Բ.Ը. Միութեան Դաստիարակչական կոչումը	
Գարեգին Եպս. Խաչատուրեան	1
Նախագահ Ա. Մանուկեանի ճառը 47րդ ժողովին Թղթակից	3
Կարապետ Պէյ Շէրիտճեան	8
Ա. Ալպոյանեան	8
Մեր Նորաստեղծ Դարն է զալիս (քերթ.) Վահրամ Հանեան	9
Բարեգործականի Կեանքէն	9
Հ.Բ.Ը.Միութեան Մասնաճիւղին Խօսքը (քերթ.) Վահէ Հայկ	12
Գանձիրէի Հ.Բ.Ը. Միութեան կեանքէն	13
ՍփիւռքաՀայ Կեանքէն	17
Հայրենի Աշխարհ	23
Նոր հրատարակութիւններ	24
Վարդատեար և Դալար Սերունդ	

Ա. գ. դ.

- Տեղեկատուն առ այժմ կը հրատարակուի երկու ամիսը անգամ մը.
- Թղթակցութեանց, դրամական նուէրներու, գիրքերու, թերթերու և հանդէսներու առաքումները կատարել խմբագրութեանս հասցէին՝

Խմբագրութիւն Տեղեկատուի

15, Էմատ էլ Տին փողոց

Նամակատուի 717, Գահիրէ — Հեռախօս 55636

Rédaction Déghégaou

15, Rue Emad El Dine

B.P. 717, — Le Caire — R. A. U.

ՈՒՇԱԴՐՈՒԹԻՒՆ

Գանիրէի Հ.Բ.Ը. Միութեան Յոբելիական հանդիսութիւնները կը սկսին
 Դատահանդեսով
 որ տեղի պիտի ունենայ Սեղիստի ընթացքին,
 Հ.Մ.Ը.Մ. - ՆՈՒՊԱՐ Մարզաբանին մէջ,
 ժոխ, այլազան, հանելի յայտագրով եւ կը փակուին
 Մտակութային, Գրական - Գեղարուեստական հանդեսով Հոկտեմբերի մէջ
 Մանրամասն յայտագիր և անհրաժեշտ ծանօթութիւններ՝ յաջորդիւ:

ԼՈՅՍ ՏԵՍԱԻ

ՎԵՐ, ՀԱՄԲԱՐՁՈՒՄ Յ. ՀԱՄԲԱՐՁՈՒՄԵԱՆԻ
 ՇԱՀԵԿԱՆ ԱՇԽԱՏԱՍԻՐՈՒԹԻՒՆԸ՝

Ո՞Վ ԵՒ Ո՞ՒՐ Է ԱՍՏՈՒԱԾ

(Իր փնտռուած ֆարոգներու հաւաքածոն,
 յաւելեալ ինքնակենսագրութեամբ)
 Գին 50 Ե.Գ. — դիմել՝ Գրավանառ Փանիկեանի —
 Տելթա Պուքշոփ, 30 Շերիֆ փողոց, Գանիրէ:

والتبليغ

مجلة جمعية القاهرة الخيرية الأزمنية العامة

ՏԵՉԵԿԱՏՈՒ

ՀՐԱՏԵՐԱԿՈՒԹԻՒՆ ԳԼՏԻՐԷԻ Հ.Բ.ԸՄԻՈՒԹԵԱՆ

المدير المسئول ا. صاروخان — ١٥ شارع صماد الدين — تليفون ٥٥٦٣٦

Ե . Տ Ա Ր Ի

Թ Ի Ի — 4

1961

Հ. Բ. Ը. Մ Ի Ո Ւ Թ Ե Ա Ն ԴԱՏՏԻԱՐԱՎՉԱԿԱՆ ԿՈՉՈՒՄԸ

Հակառակ իր նպատակին բացորոշ բովանդակութեան՝ դեռ կատարելապէս ըմբռնուած չէ, կը խորհրմ, ճշմարիտ եւ ամբողջական կոչումը այս մեծ Միութեան: Ոչ լոկ Որբախնամ Մարմին մըն է ան, ոչ ալ նպաստամատոյց կազմակերպութիւն մը, ոչ քաղաքական կուսակցութիւն մը, ոչ ալ տնտեսական - փիլիսոփայական աղանդաւորութիւն մը, եւ ոչ կրօնական-յարանուանական հիմնարկութիւն մը: Այս բոլորէն վեր եւ այս ամէնուն բիւրեղացած ճշմարտութեամբը սնանելու եւ աճելու ատակ ու տրամադիր, բայց մանաւանդ վարդապետական քարացումներէ եւ գաղափարական վերացումներէ զերծ՝ զուտ Բարիին շունչով ոգեւորուած, եւ համամարդկային հոգեկան արժէքներու հետ հաշտ ազգային մարտը զգացումներով տոգորուած Հայութեան ոգիին անխարդախ արտայայտութիւնն է ան: Իր կոչումն է գլխաւորաբար հաւատարիմ մնալ այդ ոգիին, մշակել զայն իր մէջ նորոյսերով ու ժառանգութիւններով, եւ անով ներշնչել ու դաստիարակել իրերայաջորդ բոլոր սերունդները գազութներուն մէջ մանաւանդ:

Իսկ դաստիարակչի այս հանգամանքն է, ըստ իս, որ համահայկական այս կազմակերպութիւնը կը դարձնէ անհրաժեշտ ու մնայուն: Երբ մէկ կողմէ ՆՈՒՊԱՐԱՇԷՆԻ նման աւաններ կը կանգնէ Մայր-Հայրենիքին մէջ, չի մոռնար նաեւ կրթական յարկեր հիմնել ու զօրացնել գաղութային բարոյական հայրենիքներուն մէջ: Միութեան ծրագրին մէջ է «հիմնել կամ նպաստով օժտել վարժարաններ, մատենադարաններ, ընթերցարաններ» այն բոլոր գաղութներուն մէջ մասնաւորապէս՝ ուր Հայաստանեայց Ոգին կենդանի պահելու, զայն իր հարազատ շունչովն ու դրոշմովը մշակելու եւ ուժաւորելու հնարաւորութիւնն ու պատեհութիւնները չեն պակսիր: Հ.Բ.Ը. Միութեան արժամու նախագահը՝

(*) հարազատ ժառանգորդ եւ հաւատարիմ գործադրիչ իր մեծանուն հօր գաղափարականին՝ մեզի կը ներշնչէ ամէն յոյս թէ աննկատ պիտի չմնայ այս բացարձակ անհրաժեշտութիւնը, եւ թէ ինքը պիտի կրնայ մէկ կողմէ հաւատարիմ մնալ Միութեան հիմնական սկզբունքներէն ըխած աւանդութիւններուն, միւս կողմէ տալ անոր նոր ոգեւորութիւն, նոր կենսունակութիւն եւ նոր մղում, պարտականութեանց նոր ուղիներով առաջորդելու նոր նուաճումներու եւ նոր յաղթանակներու: Իր սահմանն ընդարձակ է այժմ, ամփո-

փելով իր մէջ բովանդակ Հայութիւնը, Արեւելքն ու Արեւմուտքը, Հայրենիքն ու Գաղութր: Եւ գործունէութեան այս լայնածաւալ դաշտին մէջ կասկած չկայ թէ հայ ժողովուրդին «մտաւոր եւ բարոյական զարգացման» ծրագիրը կ'ընդգրկէ ազգային ցեղաբարձի մտայնութիւնը: Եւ եթէ նկատի առնենք վատասերիչ, ապագայնացուցիչ, օտարացուցիչ եւ ծուլիչ ազդակներն այն միջավայրերուն՝ որոնց մէջ սփռուած է Հայութեան ոչ արհամարհելի մէկ զանգուածը՝ դժուար չըլլար մակարհիբ լրջութիւնն ու հրամայականութիւնը Միութեան պարտականութեան՝ ջանալ անխաթար պահելու այս ազգային նկարագիրը, մտաւոր եւ բարոյական զարգացման տոհմիկ գաղափար մը ստեղծելով նաեւ գաղութներուն մէջ: Կը խոստովանինք թէ ծանր հարց է այս, որ կը լուծուի ոչ թէ զգացական նախանձախնդրութեամբ, այլ տրամաբանական կշռադատութեամբ: Ըղծանք մըն է ան, որուն իրագործումը կը պահանջէ լուրջ ու ծրագրուած պայքար մը: Այդ պայքարը պէտք է դրուի գաղափարական հողի վրայ. բարոյական ոյժ ու հմայքներ կայացնող եւ բարձր քաղաքակրթութեան մը հիմնական սկզբունքներուն հետ հաշտ հոգեկան արժէքներու սպառազինութեամբ զօրացած: Հ. Բ. Ը. Միութեան կոչումին օտար չէ միջամուխ ըլլալ այսպիսի պայքարի մը եւ յանգեցնել զայն ակնկալուած արդիւնքի մը:

Հ. Բ. Ը. Միութիւնը դիտել միայն իր բացասական կողմէն՝ այնքան անարդարութիւն է, որքան անձկամտութիւն է տեսնել զայն լոկ իր դրական կողմէն: Ան, ամէն բանէ առաջ, մարդկային կազմակերպութիւն մըն է, կարօտ ժամանակի եւ փորձառութեան դասերուն՝ հասնելու համար իր յարաբերական կատարելութեան: Բացարձակը մահկանացուներուն տրուած չէ դեռ: Անշարժութիւնն ու քարացումն են վտանգաւոր: Վերաքննութիւն, ինքնաքննադատութիւն եւ վերագնահատութիւն, — տսոնք են այն անզանցառելի փորձաքարերը՝ որոնցմով կ'երաշխաւորուին այսպիսի կազմակերպութեան մը անկասելի յառաջխաղացքն ու զարգացումը: Մեր Միութիւնը կուտայ ապացոյցը կեանքի եւ

ողջմիտ ուղղութեան: Երեսուն տարիներ բաւական չեն բոլոր իղձերը, բոլոր խորհուրդները, բոլոր տեսութիւններն ու պահանջները միակ կեդրոնական առանցքով մը համադրել — համաձայնեցնելու եւ մարմնիկ մը մէջ խտացնելու, դարձնելով զայն ամէն կողմէ անխոցելի: Կեանքի յառաջընթացը կը բերէ իր հետ նոր պայմաններ ու պահանջներ, նոր խնդիրներ, որոնք կը կարօտին նոր ուսումնասիրութիւններու, նոր լուծումներու: Ասիկա չի կրնար ըլլալ առանց ժամանակի: Յարձակողական քուռն ոգին եւ անհամբեր ու անհանդուրժող փութկոտութիւնը ժխտումն են լրջախոհութեան, ողջադատութեան եւ յստակատեսութեան: Թող ամէն սիրտ, ամէն միտք եւ ամէն ձեռք ասի զիտնան եւ հրաժարելով իրենց եսապաշտ նախասիրութիւններէն, կանխակալ կարծիքներէն, սեւեռամտութիւններէն, նախապաշարումներէն եւ այլ մարդկային իմացական-հոգեկան մոլորամէտ հակումներէն, պինդ փարին այս համահայկական կազմակերպութեան անուան քառեակ նշանաբանական գիրերու մէջ մարմնաւորուած Ոգիին. Հ. Բ. Ը. Մ.:

Ամէն ինչ եւ ամէն ոք պարիսպէն ներս, բացի քանդող կիրքերէ եւ ձեռքերէ: Մտեղծագործութիւն եւ զարգացում, շինութիւն եւ բարեկարգութիւն՝ համերաշխութեամբ եւ համագործակցութեամբ, հիմնուած ազատ խորհրդութեան եւ առողջ քննադատութեան կամ ինքնաքննադատութեան վրայ, անփոփոխ բեւեռակէտ ունենալով ԲԱՐԻՆ իր ամենալայն առումով, — ահա ինչ որ մեզի կը սորվեցնեն այդ չորս տառերը իրենց գաղափարական լծակցութեամբը, որ շքեղ արտայայտութիւններէն մէկն է Հայաստանեայց Ոգիին:

Վստահ ենք թէ սկսած նախագահէն մինչեւ ամենախոնարհ անդամը այս մեծ Միութեան, իմաստութիւնը պիտի ունենան միշտ այդ ոգիով առաջնորդուելու եւ առաջնորդելու:

Հ. Բ. Ը. Միութեան Երեսնամեայ Յորիւանին առիթով այս տկար խորհրդածութիւնները կասկած չկայ թէ աւելի հզոր շնչտերով կ'ոգեւորեն այսօր կազմակերպութեանէն ներս եւ դուրս բոլոր Հայերն

ՆԱԽԱԳԱՀ ՏԻԱՐ Ա. ՄԱՆՈՒԿԵԱՆԻ ձԱՌԸ 47ԳԻ ԸՆԴՀԱՆՈՒՐ ԺՈՂՈՎԻՆ

(Շար. Գախոռդ քիւիճ)

Հակառակ այն բացորոշ իրողութեան թէ Միութեան ազգապահպանման մեծածախս ձեռնարկները արտասահմանի մէջ կը գտնուին և Ամերիկայի հայութիւնը ինք ալ ունի իր համայնքային ստիպողական կարիքները՝ դպրոցի, եկեղեցիի, մշակութային կեդրոններու համար, եւն, ան կը շարունակէ տալ անարտուէջ, անվարան, առանց որեւէ սակարկութեան:

Մեր քննութեան առարկան եղող 1959 տարեշրջանին, Միութեան բոլոր ձեռնարկներուն համար ծախսեր ենք 592,112 տոլար և այդ հսկայ գումարէն մի միայն 35,000 տոլար յատկացուցեր ենք այս գաղութին տեղական կարիքներուն: Այսինքն՝ 250,000 հոգի հաշուող հայութեան զանազան մը համար, արամադրեր ենք լոկ քիչ մը աւելի դրամ որքան կուտանք Յունաստանի 8000ի բնակչութիւն մը ունեցող մեր գաղութին:

Երբ վերլուծենք այս իրողութիւնը,

անխտիր: Երանի՛ թէ, սակայն, ասի առիթ եւ խթան մը ըլլար շարքը խտացնելու՝ գիտակցորէն նուիրուելու եւ զոհարերելու առաջադրութեամբ զօտեպնդուած նոր անդամներու պատուարեր ու ստուար թիւերով:

«Բաջալերութիւնը հրաշքներ կը գործէ. եթէ կ'ուզես ազգիդ բարին, քաջալերէ այն ոյժերը որ յօգուտ ազգին կը գործեն»: Վաթսուճամեայ այս պատգամը անմահն Գրիգոր Օտեանի՝ այսօր ալ, աւելի քան երբեք, անհրաժեշտ է որ հրաւիրակ ծայրը հանդիսանայ, ուղղուած իւրաքանչիւր Հայու գործակցութեան եւ պարտականութեան համար Հ. Բ. Ը. Միութեան կոչումին ու նպատակին շուրջ:

ԳԱՐԵԳԻՆ ԵՊԻՍԿ. ԽԱՉԱՏՈՒՐԵԱՆ

«Յաւօագիր» 1936

մէկ հոգեպարար եղրակացութեան միայն կրնանք յանգիլ:

Ամերիկահայութիւնը իր սիրտը կուտ և իրականութեան մը, որ հակառակ իր ցրուածութեան, խորքին մէջ անբաժանելի միութիւն մըն է: Ան կ'ապրի ամբողջ ազգին հետ, որ մէկ է, ո՛ւր որ ալ գտնուին անոր զուակները. անոր հետ կը տառապի և կը հրճուի, և կը զոհարերէ անհաշիւ, որպէսզի հայ հաւաքական կեանքը ըլլայ աւելի պայծառ, աւելի երջանիկ:

Ահաւասիկ, շատ սեղմ արտայայտութեամբ մը, Ամերիկահայութեան հոգեբանութիւնը:

Ողբասաց մարգարէներ ապագան մուայլ կը տեսնեն և կը խորհին թէ այս լուսաւոր պատկերը բոլորովին պիտի մթազնի 20-25 տարի վերջ: Չեմ յաւակնիր գուշակ մը ըլլալ եւ գալիք օրերու գաղտնիքին վարագոյրը վերցնել: Բայց ամէնք ալ դիտենք թէ այդ յոռետես խորհուրդները գոյութիւն ունեցած են ասկէ 25, 30 տարի առաջ, և սակայն Ամերիկայի մեր գաղութը այսօր հայ է աւելի քան երբեք: Պահ մը անդրադառնանք ելեղեցաշինութեան, դպրոցներու կազմակերպութեան, համայնքային կեդրոններ կառուցանելու մտահոգութեանց, տնտեսաշխատանքին, և արդար ըլլանք վրձնուած թէ առոնք հոգեվարքի ջղածգութիւններ են, եթէ ոչ ազգային ոգիի, ինքնութեան պահպանման զօրացում և աճում:

Հայ գաղութներուն ամենամեծին՝ Ամերիկայի մէջ գտնուելը ուրեմն Հ. Բ. Ը. Միութեան ղեկավարութեան, անչափելի, նախախնամական բարիք մը եղած է, զոր ոչ ոք կրնայ հերքել կամ ուրանալ:

Մեր անդամակցութեան կէսը այս երկրին մէջ կը գտնուի, և ան մեր շարքերուն մէջ է ո՛չ թէ անուանապէս, այլ յարատեւօրէն կը գործէ և կը զոհարերէ: Մեր մեծ և հզօր կուսակցութեան լայնախոհ օրէնքները, ինչպէս ամէն բարեսիրական ձեռնարկ, մեր ջանքերն ալ կը հովանաւորեն ու կը քաջալերեն և կը գործենք ազատ ու անկաշկանդ:

Եթէ տեղեակ ըլլայիք թէ ուրիշ երկիրներու մէջ փոքրամասնութեանց ազգային կամ մարդասիրական ձեռնարկները ի՞նչ սահմանափակումներու, ձեւակերպու-

թեանց և անվերջ քննութեանց, հարցապընդու մնեալու են թարկուած են, փառք պիտի տայիք Աստուծոյ, որ Բարեգործականի Կեդրոնը Ամերիկա փոխադրուած է քսան տարիէ ի վեր:

Միութեան արտասահմանի վարիչներն ալ մեր այս գոհունակութիւնը կը բաժնեն անվերապահօրէն, իսկ եթէ անոնց մէջ մատի վրայ համուռոզ քանի մը անձեր տարբեր ձեւով կը մտածեն, կը նշանակէ թէ Բարեգործականի ոգիին ճշմարիտ ըմբռնումը ազօտ է իրենց մէջ և անոր ապահովութեան ու զօրացման համար բոլորն նախանձախնդրութիւն մը ցոյց չեն տար:

Կարեւոր նկատեցի այս ընդհանուր տեսութիւնը ընել հաստատելու համար թէ Բարեգործականի կենսունակութիւնը անվիճելի է. 55 տարիներու իր անցեալը ո՛չ թէ յոգնութեան, մաշուածի ազդակ մըն է, այլ անոր համար նոր աւելի, նոր ուժի աղբիւր, և Ամերիկայի մէջ անոր ժողովըրդականութիւնը, անոր ստեղծած ոգեւորութիւնը, անոր ղեկավարութեան արդիւնաւէտ աշխատանքը ակներեւ գրաւականներ են թէ ան իր շարունակական վերելքին հետ աւելի հիմնական, միայուն գործերով հայ կեանքին բարձրացման զօրավիգ պիտի կանգնի միշտ:

Այժմ կ'ուզեմ մէկ ամփոփ պատկերը տալ Միութեան 1959 ի տարեշրջանի գործունէութեան: Այս մասին ըսելիքներս շատ պիտի չընդլայնեմ, որովհետեւ ձեր ձեռքը ունիք մեր ընդարձակ Տեղեկագիրը, որ ձեզ իրազեկ կ'ընէ Միութեան ձեռնարկներուն բոլոր մանրամասնութեանց:

Ինչպէս շատ անգամներ կրկնած ենք և դուք լաւատեղեակ էք արդէն, այսօր Միութեան ջանքերուն առանցքը կը կազմէ կրթական և մշակութային գործը: Մեր մեծագոյն մտահոգութիւնն է ազգային առողջ դաստիարակութեան մը բարիքները ծաւալել բոլոր հայ գաղութներուն մէջ, և այդ դաստիարակութիւնը ջամբել իր յաջորդական բոլոր աստիճաններով, մանկապարտէզէն սկսելով անցնիլ նախնական և երկրորդական կրթութեան և վերջինը, որքան կարելի է, պսակել համալսարանական մասնագիտութեամբ:

Հայ նախակրթաբանի մը կամ երկ-

րորդական վարժարանի մը ընթացքը աւարտող պատանիները հայութեան համար չեն կորուսիր երբեք՝ ո՛ւր և ի՛նչ պայմաններու մէջ ալ որ գտնուին, որովհետեւ իրենց ընդհանուր ուսման հետ ստացած են փրկարար մկրտութիւն մը՝ մեր լեզուին, մեր պատմութեան, մեր աւանդութեանց տարիներով ընտելանալով և զանոնք իրենց իմացական, հոգեկան կեանքին սնուցիչ աղբիւրը ունենալով:

Իսկ երկրորդական ուսումը այդ ստացումները աւելի կ'ընդլայնէ, կը խորացնէ և ազգային դաստիարակութեան անջնջելի դրոշմը կուտայ մեր պատանիներուն: Անոնք, իրենց աւանդուած ուրիշ հիմնական գիտելիքներու շնորհիւ նաեւ, կը դառնան կրթուած, զարգացած անձեր, աւելի դիւրութեամբ կը մղեն իրենց կեանքի պայքարը և միանգամայն ծառայութեան իրենց գնահատելի բաժինը կը բերեն մեր ժողովուրդին:

Իսկ երբ ուսումնասէր, օժտուած երիտասարդներ իրենց երկրորդական կրթութենէն վերջ բախտը կ'ուենենան համալսարանական ուսում ստանալու և մասնագիտութեան մը աիրանալու, ակներեւ է թէ, անոնք մեր մտաւորական և համայնական կեանքին համար կը դառնան անգնահատելի ուժեր եւ գործիչներ:

Այս ծրագրին համաձայն է որ կազմակերպուած է մեր կրթական ընդարձակ գործը. զոր ուրիշ տարիներ ձեզի ներկայացուցած եմ արդէն և որուն զլիսաւոր գիծերուն վերոյիշուած միայն պիտի ընեմ այսօր:

Ունինք 16 սեփական դպրոցներ, 1 իրանանի, Կիպրոսի, Թէհրանի և Աթէնքի մէջ: Ասոնց թիւը 1958 ին 17 էր, բայց փոքր դպրոց մը Հալէպի մէջ միացուցած է մերձակայ մեծ վարժարանի մը: Միութեան դպրոցներուն մէջ կ'ուսանին 3060 ի մօտ աշակերտներ և կը պաշտօնավարեն 200 է աւելի ուսուցիչներ: Այս թուանշանները ինքնին ցոյց կուտան թէ ո՛րքան լուրջ է Բարեգործականի կրթական առաքելութիւնը:

Կարգ մը իրողութիւններ այս պատկերը շատ աւելի տպաւորիչ կ'ընծայեն:

Մեր դպրոցներէն չորսը երկրորդական

վարժարաններ են և մեծագոյն ծառայութիւնները կը մատուցանեն Մերձաւոր Արեւելքի մեր գաղութներուն: Անոնց շրջանաւարաններուն թիւը կը հասնի 910 ի և այդ երիտասարդներն ու պարմանուհիները մեր հանրային կեանքին մէջ ուշագրաւ դեր մը կը կատարեն արդէն: Անոնց մէջ կան զբոսորդներ, բանաստեղծներ, արուեստագէտներ, խմբագիրներ, շատեր ազգային զանազան ժողովներու մէջ կը գնուին և անոնցմէ 250է աւելի մեր կրթական գործին կը ծառայեն իրրեւ ուսուցիչ կամ ուսուցչուհի:

Այս արդիւնքը ինքնին պերճախօս ապացոյց մըն է թէ Բարեգործականը ինչ մեծ նպաստ մը կը բերէ մեր հանրային և մտաւորական կեանքին յառաջդիմութեան և բարձրացման:

Միութեան կրթական գործունէութիւնը իր սեփական վարժարաններուն մէջ չի սահմանափակուիր: Մեր Տեղեկագրի մէջ մանրամասնօրէն յիշուած է թէ զանազան գաղութներու մէջ անհրաժեշտ նպաստներ կը յատկացնենք քանի մը տասնեակ հայ դպրոցներու, սրպէտզի անոնք նիւթական անձկութեան չմտանուին և անմեղ հայ մանուկներ ուսման բարիքներէն չզրկուին:

Միութեան միմիայն դպրոցական ձեռնարկներուն համար 1959 ին յատկացուցած ենք 302,664 տուար, և կը խորհիմ թէ այս գումարը կրնայ որոշ գաղափար մը տայ այդ ձեռնարկներուն ընդարձակութեան, նշանակութեան, մեր ազգային կեանքին բերած անհուն բարիքին մասին, և արգար հպարտութեամբ լեցնել մեզ:

Մեր ուրախութիւնը անսահման է, որ մեր կրթական գործը իր բարձրագոյն մակարդակին հասած է այսօր, երբ ի վիճակի ենք հայ ուղիւ և ուսումնատենչ պատանիներու և օրիորդներու համալսարանական ուսման զօրեղապէս սատարելու: Մեր Միութիւնը երկար տարիներէ ի վեր Ռափայէլ Մարկոսեան Հիմնադրամին շնորհիւ Ֆրանսայի մէջ կ'աջակցէր արհեստագիտական զանազան ճիւղերու հետեւող ուսանողներու: Աւելի քան տասը տարի առաջ սկսանք համալսարանական թոշակ տալ փոքրաթիւ տղոց, նախ շնորհիւ բարերար Իւզպաշեանի այդ նպատակով ըրած նուիրատուութեան և ապա բարերար Տոքթ. Մկրտիչեանի նորահաստատ Հիմնադրամին, և ունե-

ցանք բարձրագոյն կրթութեան տիրացած 30 երիտասարդներ և պարմանուհիներ:

Այսօր, այս փրկարար ծրագրին պատկերը անհունօրէն խրախուսական է և համալսարանական թոշակներու յատկացումը մեր Միութեան կանոնաւոր գործունէութեան մէկ էջը կը կաշմէ: Այս նպատակաւ ունինք մեծագումար Հիմնադրամները Փայսէրլեան, Մկրտիչեան, Մարկոսեան, Գարակէօզեան, Յովակիմեան երախտաշատ մեծ բարերարներուն և ուրիշ վեհանձն նուիրատուներու, և 1959ին ի վիճակի եղած ենք 193 ուսանողներու կրթական թոշակ յատկացնել 42,460 տուար:

Ըստ կտակարար բարերարներու կամքին, այդ 193 թոշակը նկատելի է 8ը կը հետեւին արհեստագիտական կամ երկրորդական ուսման, իսկ մնացեալ 105ը կանոնաւոր համալսարանականներ են:

Երբ անդրադառնանք տրուած գումարին և օգտուողներու թիւին, կարծեմ ներելի կ'ըլլայ խորհրդածել թէ պետական կեանք ունեցող կարգ մը պղտիկ ազգեր արդեօք նոյն զոհողութիւնը կ'ընե՞ն իրենց նոր սերունդին համար:

Կրթութոշակի հիմնադրամները յաւէրժական յիշատակարաններ են մեր անմահ բարերարներուն անուան, ուժի նոր աղբիւր մը Հ.Բ.Ը. Միութեան և ապահով միջոց մը՝ մեր մտաւորական վերելքին ու ազգին մէջ առաջնորդող ղէմքերու պատրաստութեան համար:

Մեր ժողովուրդին մտաւորական և հոգեկան կեանքի ծաղկումին ու զարգացման կը սպասարկեն, այսինքն Միութեան ազգապահպանման հիմնական նպատակներուն մէջ առաջնակարգ տեղ մը կը գրաւեն, մեր մշակութային բաղմամբիւղ գործերը, որպէս անմիջական լրացուցիչ մասերը մեր կրթական ընդարձակ ծրագրին:

Երկար պիտի ըլլար այս գետնին վրայ նոյնիսկ գլխաւոր իրողութեանց պատկերացումը, և պիտի բաւականանամ քանի մը ընդհանուր յիշատակումներով, որոնց բոլոր խրախուսիչ մանրամասնութիւնները տրուած են ձեր ի ձեռին ունեցած տեղեկագրին մէջ:

Մեր մշակութային ջանքերը կ'ընդգրկեն Միութեան երիտասարդական կազմակերպութեանց մեղուաջան, զմայելի գործերը, մեր ակում ընկերը, մատենադարանները, մարզական—գեղարուեստական—ընկերային կեդրոններու կառուցումը, Միութեան կող-

մէ լոյս ընծայուած հրատարակութիւնները, ուրիշներու կողմէ հրապարակ հանուած կարեւոր երկերու գնումը, հեղինակներու քաջալերանքը, եւն.՝

Այս բոլոր նպատակներուն համար 1959 ին յատկացուցած ենք 125,750 տոլար:

Լոկ կրթական և մտաւորական կալուածին մէջ ուրեմն, նկատի ունենալով մեր դպրոցական, համալսարանական թոշակի և մշակութային ձեռնարկները, 1959 տարեշրջանին 470,000 տոլարէ աւելի գումար մը ծախսած ենք:

Եթէ այս գոհողութիւնը եղած է մեր ժողովուրդին վաղուան կեանքին համար, անոր ապագան աւելի բարելաւ, աւելի պայծառ ընելու հիմնական ծրագրով, գոյութեան պայքարին մէջ անոր սյուսորուան կարիքները անտես չենք առած երբեք: Ըսել կ'ուզեմ թէ մեր կրթական և մշակութային ձեռնարկներուն հետ, միեւնոյն հոգածութեամբ շարունակած ենք մեր խնամատարական գործը:

Մեր բուժարաններն ու առողջապահական կեդրոնները այս շրջանին եւս հազարաւոր կարօտ հիւանդներ դարմանած են, անոնցմէ յուրջ գործողութեանց պէտք ունեցողներուն ծախքերը հոգացած ենք և ձրիաբար դեղ հայթայթած ենք բոլորին: Անցեալ տարիներու նման, դարձեալ մեծաքանակ փոշի կաթ դրկած ենք Լիբանան, Սուրիա, Յունաստան, Երուսաղէմ, որմէ օգտուած են անթիւ դպրոցականներ, ծծկեր մանուկներ, անկար ձերուսիներ, գաղթականներ ու հիւանդներ: Հարիւրաւոր աղքատիկ ընտանիքներու զաւակներ ամառը օգտօգտութեան տարուած են և կազդուրուած են, մեծ մասամբ Յունաստանի մէջ, մաս մը Հայկ և մաս մըն ալ Մարսիլիա Շարունակած ենք Աթէնքի և Սելանիկի մէջ կենսաթոշակ տալ 40 ի չափ անտէր ծեռուսիներու և տարեկան որոշ յատկացումներով թեթեւցեալ բազմաթիւ տարեց և աննեցուկ մտաւորականներու ապրուստի նեղութիւնը: Կեդր. Վարչութեան նպատակը Յանձնաժողովը շօշափելի օգնութիւն ընծայած է արտասահմանի բազմաթիւ կարօտեալներու և միեւնոյն ձեւով՝ Ամբիկայի Կեդր. Յանձնաժողովի Ընկերային Մտաւորութեան Մարմինը, Միութեան Եգիպտոսի եւ Սերոպայի Կեդրոնական Յանձնաժողովները հոգածութեան առարկայ ըրած են իրենց շրջանակներուն մէջ նեղութեան մատնուած բազմաթիւ աղ-

գայիններ: Միութեան խնամատարական գործին համար ծախսուած է 69,300 տոլար: (Կտակային պայմանագրութեանց համաձայն, աղգային հաստատութեանց և անհատներու եւս կ'ընենք կարեւոր յատկացումներ, որոնք յիշուած են Տեղեկագրին մէջ):

Վերեւ համառօտակի թուարկուած ձեռնարկներ կը յուսամ թէ որոշ գաղափար մը կուտան մեր Միութեան մէկ տարուան գործունէութեան մասին: Կը յուսամ նաև թէ երբ մեր ամբողջ ջանքերը «աղգապահպանում» յորջորջումին տակ կը դնենք. ո'չ ոք կրնայ երկմտիլ թէ այդ ծանրիմաստ բառը կը գործածենք ըստ բախտի, անստիպանական կամ քարոզչական միտումներով: Մէկ տարուան մէջ Միութեան յարատեւօրէն հետապնդած նպատակներուն համար ծախսեր ենք 592,000 տոլարէ աւելի գումար մը և կը խորհիմ որ այս խօսուն իրականութիւնը անառարկելի կերպով կը հաստատէ թէ այս օրհնեալ կազմակերպութիւնը ունեցած է և ունի միայն մէկ փառասիրութիւն և մէկ անփոփոխելի իտէալ — ծառայել մեր ազգին:

Երջանիկ ենք որ այս ճառայութիւնը ի վիճակի ենք շարունակելու աննստանջ, առանց կքուտի կամ տկարութեան, և միշտ աւելի կարկառուն արդիւնքներով, շնորհիւ Միութեան ապահով և յարաճուն ելեւմուտքին:

Քիչ յետոյ ձեզի պիտի ներկայացուի մեր հաշուական տեղեկագիրը, մանրամասնօրէն և զեկուցում մը պիտի լսէք նաեւ մեր գանձապահին՝ Պր. Չարլզ Գարակէօզեանի կողմէ: Ես ձեր ուշադրութեան պիտի յանձնեմ միայն քանի մը թուանշաններ, կոտորակներ զանց ընելով:

1949 տարեշրջանի փակումին, մեր ընդհանուր գոյքն (asset) է, 10,090,336 տոլար: Մեր ամբողջ ելքը եղած է 773,987, որմէ 292,112 տոլարը յատկացուած է աղգապահպանման գործին, 144,396 տոլարը Միութեան բոլոր շրջանակներու վարչական ծախքերուն և 38,579 տոլարը տարուած է հիմնադրամներու պահեստին:

Կը փափաքիմ ձեր ուշադրութիւնը հրաւիրել մեր գոյքին աստիճանական բարձրացումին վրայ, տալով վերջին չորս տարիներու բաղդատական պատկերը, կըր թուանշաններով. 1956 ին՝ 8,300,000 տոլար, 1957 ին՝ 9,000,000, 1958 ին՝ 9,563,000 և 1959 ին՝ 10,090,000:

Այս թուանշանները տոմարական արժեքներ են, և ոչ թէ սակարանի:

Ձեռ ուղեր աւելի երկարել, տալով նաև բաղադրական գումարները մեր ազգապահպանման յատկացումներուն, որոնք տարուէ տարի միշտ աւելի աճած են:

Միութեան հարստութեան վերելի խրախուսիչ պատկերը ներկայացնելով, կարեւոր կը նկատեմ ընդգծել մէկ բան, հասկնալի է թէ այդ յաւելումները մտածաբ կատարուած են եկամուտներու բարձրացումով, բայց նաև՝ ամէն տարի նոր կտակներով և նուիրատուութեանց ստացումով:

Բարեգործականի վայելած համազգային վստահութեան, համակրանքին, ինչո՞ւ չէ՞ գուրգուրանքին մասին խօսեցայ ճառիս սկիզբը: Այս ընդհանուր ապահովութիւնն ու սէրն է անոր վերելքին հաստատ կռուանը: Եւ ցորքան ազգին սիրտը անոր կապուած կը մնայ, բազմերախտ, օրհնեալ բարերարներ անպակաս պիտի ըլլան և այս նախախմական կազմակերպութիւնը պիտի շարունակէ ապրիլ, աւելի մեծնալ ու զօրանալ և բարիքի յորդուած աղբիւր մը ըլլալ մեր ժողովուրդին համար:

Երբ Հ. Բ. Ը. Միութեան գործունէութեան սրտայնդիչ պատկերը ներկայացուցի, չեմ կրնար լուռ անցնիլ հայ կեանքին բարեխառն համար կենսական դեր մը կատարող Պալուստ Կիւլպէնկեան պատկառելի Հիմնարկութեան վրայէն: Ազգովին կ'օրհնենք մեծահամբաւ Բարերարին յիշատակը և երախտապարտ ենք Հիմնարկութեան Սնամակայներէն Տիար Գէորգ Էսայեանի և անոր Հայկական Գործերու Վարիչ Տիար Բոպէս Կիւլպէնկեանի:

Իմաստուն ծրագրով մը, այս պատուական Հիմնարկութիւնը մեծ թիւով համալսարանական ուսանողներ կը պահէ, հարիւրաւոր դպրոցներու կանոնաւոր նպաստներ կը յատկացնէ, ուսուցիչներու եւրոպական երկիրներու մէջ կատարելագործման համար վարկեր կը արամադրէ, կարօտ մտաւորականներու շօշափելի օգնութիւններ կ'ընծայէ և կը կատարէ շինարարական ու մարդասիրական ընդարձակ գործեր, որոնց բոլորին համար ամէն տարի հսկայական գումարներ կը յատկացնէ:

Հայ ժողովուրդը խորապէս կը զնահատէ

ԳԱՀԻՐԷԻ Հ. Բ. Ը. ՄԻՈՒԹԵԱՆ ԿԵԱՆՔԷՆ

Գահիրէի Հ. Բ. Ը. Միութիւնը հետեւեալ հեռագիրը զրկած է Հանրապետութեան Նախագահին, 8 Մայիս 1961 թուականով:

Տե՛ր Նախագահ,

Գահիրէի Հ. Բ. Ը. Միութիւնը, Միութեան անդամները և անոնց հազարաւոր պարագաները բուռն կերպով կը դատապարտեն և օրինակ այլոց խստօրէն պատժուիլը կը պահանջեն լրտեսական գործով ամբաստանուած դաւադիրներուն և կը մազթեն որ Աստուած Ձեզ պահպանէ մեր Հայրենիքին համար որուն սիրոյն պատրաստ ենք զոհելու մեր կեանքը:

Նախագահ Գահիրէի Հ.Բ.Ը. Միութեան

ՀԱՅԿԱԶՈՒՆ ՔԻՒՐՔՃԵԱՆ

Հանրապետութեան Նախագահութեան Դիւանէն հետեւեալ պատասխանը ստացանք 14 Մայիս 1961 թուականով.—

Պարոն Հայկազուն Քիւրքեան,

Ասեցապէս Գահիրէի Հ.Բ.Ը. Միութեան

Շնորհակալութիւն կը յայտնեմ Ձեզի և Ձեր Միութեան անդամներուն այն հեռագիրին համար որ ուղարկած էիք և որով կը դատապարտէիք քանի մը հայերու Հայրենիքի դէմ գործած արարքը, որուն պատասխանատուութիւնը կարելի չէ անշուշտ վերագրել ամբողջ հաւաքականութեան:

Յայտնելով Ձեզ և Ձեր բոլոր անդամներուն լաւագոյն մաղթանքներս,

ԿԱՄԱԼ ԱՊՏԷԼ ՆԱՍԻՐ

այս բարերարութեանց բարձր նշանակութիւնը և անհունօրէն երախտապարտ է անոնց համար:

Սօսքս վերջացնելով, շնորհակալութիւնս կը յայտնեմ ձեզի և Միութեան այն բացակայ բոլոր իրաւասու անդամներուն զորս կը ներկայացնէք, և բացուած կը յայտարարեմ Հայկական Բարեգործական Ընդհանուր Միութեան 47րդ Ընդհանուր Ժողովը:

Նիւ Եոթ, 3 Դեկտեմբեր

Միութեան Հիմնադիրները

ԿԱՐԱՊԵՏ ՊԵՅ ՇԵՐԻՏՃԵԱՆ

Գրեց Ա. ԱԼՊՕՅԱՃԵԱՆ

1906 Սպրիլ 15 ին, Հ.Բ.Ը. Միութեան հիմնադրութեան օրը ներկայ գտնուողներէն և առաջին նիստի ատենագրութիւնը ստորագրողներէն մէկն է:

Շէրիտճեան Պէյ, ծնած է Իզմիր, և շատ կանուխէն Եգիպտոս հաստատուած:

Մտած է եգիպտական դիւանագիտական ասպարէզը, վարելով բարձր պաշտօններ, 40 տարի անընդհատ:

Եգիպտոսի հայոց փառքի շրջանին, ուր Նուպար Փաշա և Տիգրան Փաշա Տ'Ապրօ այնքան կարեւոր դեր մը կը կատարէին երկրին վարչութեան մէջ, Շէրիտճեան Պէյ անոնց հովանիին տակ, ապրած է Եգիպտոսի միջազգային ամենապերճ շրջանակներուն մէջ՝ յարգուելով տեղացի թէ օտար պաշտօնական և ընկերական ամենանշանաւոր ներկայացուցիչներէն:

Կարապետ Պէյ Շէրիտճեան 1906էն մինչեւ 1924, իր մահը, Հ. Բ. Ը. Միութեան Վերին Մարմին անդամակցած է խղճմտօրէն և եռանդով:

Ինք, քառասուն տարի Պետութեան ծառայելէ ետք, հանգստեան կոչուած էր, Ֆիզիքապէս կայտառ վիճակի մէջ:

Վահան Մալէզեան, Բարեգործականի Ոսկեմատեանին մէջ (1906-1931), կը գրէ թէ, Կարապետ Պէյ Շէրիտճեան «կենցաղագէտ մարդ է... գերազանցապէս եւ բառին ազնիւ իմաստով, այսինքն անոնցմէ որոնք ապրելու արուեսք արդիսի պէս ի գործ կը դնեն, որոնց ապրումին վայելչութիւնը երբեք չիջնար, չի զիջանիր եսական զոհեկութիւններու, այլ որոնք իրենց եսին պաշտամունքը (la Culte du moi) կը մտակեն բարձրօրէն, գեղեցկութեան, պայծառութեան, ներդաշնակութիւն փնտելով ու ստեղծելով իրենց օւրջը: Պուհեքն առաջ, անոր իտելիին ջերմեռանդ հաւատարմութիւնը»:

Մեծ հմտութիւն ունէր ամէն տեսակ բրոքոզովներու, կենցաղագիտական, յարաբերական կանոններու և անհրաժեշտ ձեւակերպութիւններու:

Հ. Բ. Ը. Միութեան հիմնադիրներէն ըլլալէ զատ, նշանակելի մասնակցութիւն մը ունեցած է Գահիրէի Ազգ. Առաջնորդարանի ժողովներուն մէջ և մասաւորապէս շահագրգռուած է կրթական գործով: Անդամակցած է զարոցի հոգաբարձութեան և կրթական գործով զբաղուող յանձնաժողովներու:

«Հ. Բ. Ը. Միութեան կեդր. Վարչական ժողովի անդամ, Կարապետ Պէյ Շերիտճեան մին եղած է այն քանակ մը անձնաւորութիւններէն, որոնք Ն. Վ. Պօլոս Նուպար Փաշայի հովանաւորութեան սակ՝ նայա քանակներէն միութեան գաղափարի երկուցը»:



ապա անոր դայեակներն եղան, զայն փայտեցին, անոր զարգացումի եռանդը ազատարար հսկեցին եւ այսօր իրաւամբ կրնան պարծենալ անոր բարգաւաճութեամբն ու նախագործումովը» (Վ. Մալէզեան, «Ոսկեմատեան»):

Իսկ ինչ որ ամենէն նշանակելիին է, պէտք է յիշատակել թէ Կարապետ Պէյ Շէրիտճեան եղած է պատճառ հիմնադրութեան Նուպարեան Մատենադարանին, վասն զի, ինք՝ մտաւորական, սիրահար զեղեցիկ դրպութեանց և արուեստներու, ստանձնած է Հ. Բ. Ը. Միութեան կեդրոնական Գրադարանի վարիչի պատուակալ պաշտօնը, իր ընտիր

ՄԵՐ ՆՈՐԱՍՏԵՂԾ ԴՈՐՆ Է ԳԱԼԻՍ

Մեր դալարուն այգիներից,
Մեր հմայուն ծաղիկներից,
Մեր հանդերից,
Ելնող, իջնող անտառներից,
Ոսկեոտուած մեր արտերից,
Մեր մրգերից,
Հարագասի բո՛յբ է գալիս:

Ամեն սնից, ամեն սեղից,
Հայի խոհուն հայացքներից,
Հողիներից,
Ասուած-չասուած խօսք ու բառից,
Փողոցներում օրջող երգից,
Յուզումներից,
Հարագասի բո՛յբ է գալիս:

Այս բարձրացող օգնիքի փարից,
Տուֆե փարից,
Քարտաքների զեզուն ձայնից,
Խոյակներից, փանդակներից,
Մաղկող հողից,
Հարագասի բո՛յբ է գալիս:

Այգում նսած այս զոյգերի
Ձեղուն արտից,
Նրանց վառուող համբոյրներից,
Շուտանայուտ նրանց շնչից,
Շունչներից,
Հարագասի բո՛յբ է գալիս:

Մեր աշխարհի ամեն մասից,
Մեր դրօժից,
Մեր բիւրաքի սխրանքներից,
Մեր նոր ու մեծ երագներից,
Մեր օրերից,
Հրթիռի՝ պէս սլանալով
Եւ հասկի՝ պէս խոնարհուելով,
Ե՛ւ յաղթական, ե՛ւ՝ քիւթական
Մեր նորաստեղծ դար՛ն է գալիս:

Երեւան ՎԱՀՐԱՄ ՀԱՃԵԱՆ

ԲԱՐԵԳՈՐԾԱԿԱՆԻ

ԿԵԱՆՔԻՆ

Միացեալ Նահանգներ —

Նկարչական Յուցահանգես, Նիւ Ինկլէնս. —

Հայ երիտասարդ 12 նկարիչներու գործերը ցուցադրուեցան Բարեգործականի Նիւ Ինկլէնտի Կեդրոնին մէջ, Կիրակի Հոկտ. 2, Կ.Կ. ժամը 3—6, նախաձեռնութեամբ Միութեան Սըպըրպըն Պոսթըն Երիտասարդներու Մասնաճիւղին: Իր ձեւին մէջ նորութիւն մըն էր այս ձեռնարկը, քանի որ այսքան թիւով հայ երիտասարդ նկարիչներու գործերը միատեղ չէին ցուցադրուած տեղւոյն Կեդրոնին մէջ: Սոյն ցուցահանդէսին նպատակն էր ճանչնալ մեր նոր սերունդի արուեստադէտները, իրարու ծանօթացնել զանոնք, և մանաւանդ հետաքրքրել մեր հասարակութիւնը ճանչնալու և գնահատելու անոնց ստեղծագործութիւնները: Յուցահանդէսին մասնակցեցան Յովհ. Տօնպետեան, Ֆլորէնս Արապեան, Տիրան Կիւլէզեան, Մէրի Արոյեան, Արշակ Մերկերեան, Ուիլիլմ ֓էթրիք, Եւա Մեծօրեան, Ալիս Ռօթ, Ժոն Նսճարեան, Չարլըզ Միրոք և Բերուզ Ժանճիկեան:

Յուցադրուած նկարներուն մէջ տաղանդի ստոյգ նշաններ նկատելի էին: Յատուկ ուշադրութիւն գրաւեցին Պր. Տօնա-

սենեակը, ժամերով դառնելով Միութեան Գրադարանին մէջ, դասաւորելով գիրքերը, հսկելով անոնց կանոնաւոր շարքին, ընդունելով գրեհական նոր նուիրատուութիւնները և թղթակցելով բոլոր այն բարեսէր աշգոյններուն հետ, որոնք տրամադիր էին ճոխացնել Միութեան Մատենադարանը, որ յետոյ Փարիզ պիտի փոխադրուէր՝ կազմելու համար առաջին և զլիաւոր կորիզը Փարիզի Նուպարեան Մատենադարանին:

Շէրիտեան Պէյ, այսպէս կատարած է երախտագիտութեան արժանի գործ մը, որ իր անունը կը կապէ հայ կարեւոր հաստատութեան մը՝ Եւրոպայի Մատենադարանին հետ:

ու ճոխ գրադարանը նուիրելով Միութեան ինչպէս Վ. Մալեզեան կը գրէ, ան օչ միայն իր գիրքերը նուիրած է, այլ չէ դադարած գուրգուրանք տածել այդ գիրքերուն վրայ, յաճախ գալով Բարեգործականի գրա-

պետեանի գիմանկարները, բայց մանաւանդ իր Տեսաբան մը Մերձաւոր Արեւելիէն խոշոր պատառը, որոնց մէջ զգայուն, սըրատես և կազմուած արուեստագէտի մը բարեմասնութիւններով կը ներկայանայ նկարիչը: Ասիկա Պր. Տօնապետեանի գործերուն առաջին ցուցագրութիւնն էր ամերիկահայ հասարակութեան առջեւ: Զեռնարակին վարիչներն էին Մէրի և Մարգրիտ Յովնանեան քոյրերը, որոնց անխոնջ ու արգիւնաւոր կերպով գործակցեցաւ Պր. Արշակ Մերկերեան, որ ճաշակի տէր և խոստումնալից նկարիչ մըն է: Յուշահանդէսին օրը հարիւրաւոր անդամներ ու հիւրեր ժամերով կ'երթեւեկէին Բարեգործականի կեդրոնի սրահին ու Բ. յարկի սենեակներուն մէջ, հետաքրքրութեամբ գիտելով ցուցագրուած գործերը:

Ֆրանսա.—

Հ.Բ.Ը. Միութեան Բարիգի գրասենեակին սրահին մէջ 14 Յունվ.ի շաբաթ օր, կէս օրէ յետոյ, բանախօսեց Տիկին Արշալոյս Խանտանեան, ընտրեալ և հօծ բազմութեան մը առջեւ նիւթ ունենալով՝ Այցելուքիւն մը Հայաստանի հնուրեանց, օտարեւելագէտներու հետ: Բանախօսութիւնը կազմակերպուած էր Հ.Բ.Ը. Միութեան Բարիգի Մասնաժողովին կողմէ, որուն ատենապետը՝ Տիար Պատրիկ Կէնճեան, ներկայացուց Տիկինը, իբրեւ հնագիտութիւն ուսումնասիրող մը, և այս առթիւ ըսաւ թէ հայագիտական նիւթերու մասին բանախօսութիւնները մաս կը կազմեն Հ.Բ.Ը. Միութեան ազգապահպանման գործունէութեան, որուն շուրջ հրաւիրեց համախմբուելի մեր հասարակութիւնը:

Տիկին Ա. Խանտանեան անցեալ Օգոստոսին ներկայ եղած էր Մոսկուայի մէջ գումարուած արեւելագէտներու ժողովին, որմէ յետոյ օտար արեւելագէտներու խումբ մը, 30 հոգիէ բաղկացած, այցելած է Հայաստան, երկու օրուան համար: Այս խումբին մէջ էին ինքը և Օր. Սիրարփի Տէր-Ներսէսեան:

Տիկին Խանտանեան նախ զրաւոր կերպով ներկայացուց իր տպաւորութիւնները Մայր Երկրէն, ու իր հայրենակարօտ հայուհիի յուզումն ու առաջին ապրումները՝

զրաւիչ լեզուով մը: Ապա ցոյց տուաւ, լուսաւոր պատկերներով, զանազան տեսարաններ էջմիածնէն, Զուարթնոցէն, Գառնիի պատմական աւերակներէն, Այրիվանքէն, Սեւանէն, Երեւանի թանգարանէն, Մատենադարանի զանազան թանկարժէք ձեռագիրներէն, եւ այլն:

Բանախօսութիւնը որ տեւեց մօտ ժամ ու կէս, հետաքրքրութեամբ և գնահատանքով ունկնդրուեցաւ ներկաներուն կողմէ, որոնք յայտնեցին իրենց շնորհակալութիւնները և շնորհաւորութիւնները բանախօս Տիկինոջ, և լաւազոյն տպաւորութեամբ բաժնուեցան սրահէն:

Բարիգ —

Բարիգի Ուսանողական Ոստանին Հայկական Տան մէջ տեղի ունեցաւ հանդէսերեկոյթ մը, Յունուար 7ին շաբաթ օր, հայկական Մնուկի առթիւ, նոյն Տան սրահին մէջ: Ներկայ էին Տան տնօրէնը՝ Պ. Գամբէնքի և Տիկինը, Հ.Բ.Ը. Միութեան Եւրոպայի կեդր. Եանձնաժողովի փոխ-ատենապետ Տօքթ. Ա. Պիւլիւքեան և անդամ Բոֆ. Ն. Արփիարեան և Տիկինը, Յովհաննէս Պօղոսեան, Բարիգի Մասնաժողովի անդամներէն Տիար Ա. Յրէնկեան, Տիար Պարէտ Բամպուքեան և Տիկինը և ուրիշ հրաւիրեալներ:

Սրահը լեցուն էր հայ թէ օտար երկսեռ ուսանողներով, իրենց գլուխը ունենալով Տան ուսանողներու վարչութեան անդամները: Գեղարուեստական բաժինէն յետոյ, որ տեւեց մինչեւ ուշ գիշեր, պարերը տեւեցին մինչեւ առաւօտ, շէնչող և օգեւորիչ մթնոլորտի մը մէջ: Այս առթիւ հիւրերը մեծարուեցան շամբանեայով և անուշեղէններով:

Ավիցեօն —

Հ.Բ.Ը. Միութեան Ավիցեօնի Մասնաճիւղը, նոր տարուոյ առթիւ սարքեց կազանդի ծառի հանդէս մը «Թիւկպի Պար» ընդարձակ սրահին մէջ, ուր հաւաքուած էր Ավիցեօնի ամբողջ հայութիւնը, ինչպէս նաեւ մօտակայ գիւղերէն եկած հայեր:

Դպրոցի շակերտները իրենց ուսուցչին առաջնորդութեամբ ներդաշնակօրէն

երգեցին Բարեգործականի քայլերգը, որուն հետեւեցան հայերէն արտասանութիւններ աղօց կողմէ: Տեղի ունեցան հայկական պարեր, մեներգներ և բեմադրուեցաւ կատակերգութիւն մը, Տեղւոյն հայ առեւտրականներուն կողմէ նուիրուած բազմութիւ և արժէքաւոր առարկաներ վիճակահանութեան դրուեցան, որով բաւական գումար մը գոյացաւ ի նպաստ Միութեան: Յետոյ ներկայ մասնակիներէն իւրաքանչիւրը ստացաւ իբրեւ նուէր՝ մրգեղէնի և շաքարեղէնի ծրար մը: Ներկաները երեկոյեան ուշ առեւտրական սրահէն, ուրախ և զուարթ արամադրութեամբ:

Մարտի 11.—

Հ.Բ.Ը. Միութեան Մարտի 11ի Մասնաճիւղը, Հայուհեաց Մասնախումբը և Նրիտաւարդները ըստ ծրագրի լրացուցին իրենց տարեկան գործունէութիւնը, իսկապէս չքեղ պարահանդէսով մը, որ տեղի ունեցաւ Դեկտեմբեր 17 ին, շաբաթ գիշեր, ժամը 21 էն մինչեւ արշալոյս, Օթէլ ըՍփլանտիտի սրահին մէջ:

Կը նախագահէր տեղական Մասնաժողովի Ատենապետ Տիար Վահագն Սահաթճեան, որ բացումը ըրաւ գեղարուեստական բաժնին, շնորհակալութիւն յայտնելով ներկայ ստուարութիւ հանգիստականներուն, որ սիրայօժար պատասխանած էին իրենց ուղղուած հրուէրին:

Տիկին Էլիզ Զրբաշեան, շնորհակալութեան սրտառուչ ուղերձէ մը վերջ, յայտնեց թէ՛ 1960 ի ամառը, երկու սեռէ հայ ուսանողներ Մարտի 11ի համալսարաններու մէջ աւարտելով իրենց մասնագիտական ուսումները, արժանացած էին պետական վկայականներու, և յատկապէս հրաւիրուած էին այս հանդէսին, ընդունելու համար գաղութին ջերմ շնորհաւորութիւնները: Տիկին Զրբաշեան վերառաւ բացառիկ նշանակութիւնը հայ համալսարանական երիտասարդութեան արձանագրած այս յաջողութեան, որ կուգար պսակել իրենց երկար տարիներու աքնաջան աշխատութիւնները, և անոնց իմացական բարձր ձիրքերը, որ պատիւ կը բերէին հայ ցեղին:

Տիկին Զրբաշեան միեւնոյն ժամանակ շնորհաւորեց շրջանաւարտներուն ծնողքը,

որ երբեմն ի գին զրկանքներու և ծանր գոհողութեանց, քաջալերած էին իրենց զաւակներու յառաջդիմական ձգտումներն ու ջանքերը, և այսօր արդար հպարտանքով կը վայելէին իրենց ծնողական պարտականութիւնները լրիւ կատարած ըլլալու քաղցրագոյն գոհունակութիւնը: Այնուհետեւ, մի առ մի կարդացուեցան անունները որուն հիւր համալսարանականներու, որոնք զտո զտո իրենց նստած տեղերէն վեր ելլելով, մի առ մի ծափահարուելէ վերջ, բեմ հրաւիրուեցան հաւաքաբար և արժանացան երկար ծափողջոյններու և խանդավառ «հուրրա»ներու: Ուրիշ անակնկալ մը եւս կը սպասէր հանդիսականներուն: Արդարեւ, Մարտի 11ի հայութեան զաւակներէն Ռենէ Աթայեան, շաբաթ մը առաջ, վարսերու գեղարուեստական յարդարումի միջազգային մրցումին խլած էր Աշխարհի առաջին ախոյեանութեան տիտղոսը, եւ որոպացի և ամերիկացի բազմաթիւ մրցորդներու մէջ, Նախագահ Տիար Սահաթճեան, իրեն յատուկ սրամիտ պերճաբանութեամբ ներկայացուց զայն հանդիսականներուն, տեղի տալով խանդավառ գնահատանքի ծափերու:

Գործադրուեցաւ գեղարուեստական գեղեցիկ յայտագիր մը — երգ, մեներգ, պար, եւայլն — որուն յաջորդեց թոմպօլայի վիճակահանութիւն մը, որուն մեծարժէք նուէրները ցուցադրուած ըլլալով, դիւրացուցին տոմսերու վաճառումը: Հանդէսը պըսակուեցաւ նիւթական ու բարոյական մեծ յաջողութեամբ: Գոյացած կոկիկ հասոյթը պիտի յատկացուի Բարեգործականի Մարտի 11ի Մասնաժողովի հանրանպաստ ձեռնարկներուն:

Հ.Բ.Ը. Միութեան Նիւ-Եորկի Տիկնանց Կեդրոնական Յանձնախումբի Կրթական Ընդհանրական Ինստիտուտի 25 ուղ տարեդարձը տօնակեցաւ թէյյասեղան - հանդէսով մը, Հոկտ. 21 ի երեկոյեան Ս. Սալ Եկեղեցիին սրահին մէջ, հովանաւորութեամբ Ամերիկահայոց Առաջնորդ Գեր. Տ. Սիոն Արք. ի: Ընտիր բազմութեամբ մը լեցուած էր ամբողջ սրահը:

Հանդէսին բացումը կատարեց Կրթական Ընդհանրական Տիկնանց Զարուհի

Հ. Բ. Ը. ՄԻՈՒԹԵԱՆ ՄՕՄՆԱՃԻՒՂԻՆ ԽՕՍՔԸ

Վօսալից սրտով ես գուրգուրացի օտարներ այնքան,
Մեր որբերուն վրան եւ այրիներուն՝ հե՛հ, քափառակա՛ն,
Սի՛րս տուի անոնց, ձե՛նք տուի անոնց որ բարձրանան վեր,
Եւ կեանքի փրօտս ձամբէն ելլեն յուրս, փալեն անվեհեր:

Ստանան նո՛ր կեանք, նո՛ր կորով, նո՛ր յոյս, բլլան հայորդի,
Եւ նառագայթն անուցն ու հանճարն հայուն ամէն դի:
Սիրեն հայ ճակն ու եկեղեցին — հնաւա՛նդ անօր —
Եւ պսակեն բիւր նահասակներուն շիրիմն անձանօր:

Ըլլան առ յաւեհ ծարաւի ուսմա՛ն, գիտութեա՛ն, լոյսի՛ն,
Բազմանան, լոյս սան զերթ երկնից փայլով աստղերն ու լուսի՛ն,
Ըլլան նո՛ր Վարդան, նո՛ր Սահակ, Մեսրոպ եւ Շնորհալի,
Յեզեն հայութեան վերածնունդն անգին աւիւնով առլի:

Հայ եղբա՛րք, հայե՛ր, փալենք միտ յառաջ, ձե՛նք ձե՛նք տուած,
Սեր եւ միութիւն, բարի գործ ու կեանք օրհնած է Աստուած.
Յիշատակն անոնց որք հաստատեցին մեր Միութիւնն հոս,
Միայն մեր գործով պիտ՛ բլլան բարեաց ակն առաստառ:

ՎԱԷԻ ՀԱՅԿ

Գաղանճեան: Օրոշան պատշաճ ուղերձներ ըրին Վեր. Ա. Պետիկեան, ՊՊ. Միհրդատ Թիրեաքեան և Յակոբ Անտոնեան, որոնք՝ իւրաքանչիւրը իր տեսանկիւնէն դիտելով՝ գնահատեցին Բարեգործական Տիկիներուն այս օգտաշատ գործունէութիւնը, սարքուած դատախօսական երեկոյթներուն հայապահպանման դերն ու արժէքը: Շնորհաւորական զանազան նամակներու և հեռագիրներու ընթերցումէն յետոյ, Սիոն Սրբազան իր օրհնութեան խօսքերով թելադրեց Տիկիներուն որ ընդարձակեն կրթական մը-

չակութային գործունէութեան շրջանակը, նկատի ունենալով նոր սերունդին պահանջները:

Տիկին Նորմա Գաղանճեան, երգեց Եւ Սիրեցի, Անոր և ուրիշ երգեր: Ապա պատուոյ սեզան բերուեցաւ 25 ամեակի կարկանդակը: Ամերիկայի կեդրոնական Յանձնաժողովին Նախագահ Պր. Երուանդ Մավեան պաշտօնապէս շնորհաւորելէ ետք Տիկնանց կրթական ձիւղի 25րդ տարեդարձը, կտրեց կարկանդակը: Ներկաները հիւրասիրուեցան սուրճով և կարկանդակով:

ԴԱՀԻՐԷԻ Հ.Բ.Ը. ՄԻՈՒԹԵԱՆ ԿԵԱՆՓԷՆ

Գանիրէի Հ.Բ.Ը. Միութեան քարտկան Ընդհ. ժողովը գումարուեցաւ 23 Մարտ 1961ին, Հինգշաբթի երեկոյ ժամը, 8.30 ին և ընտրեց իր նոր վարչութիւնը, որուն Դիւանը կազմուեցաւ հետեւեալ կերպով.—

- Տիրաք Հայկազուն Գիւրքճեան, Ասեճապետ
- Հայկ Օհանէսեան, փոխ-Ասեճապետ
- Գրիգոր Պասմաճեան, Ասեճաղախ
- Խաչիկ Բէխեան, Գանձապետ
- Մարտիկ Թաթիկեան, Խորհրդակաճ
- Տիգրան Պապիկեան, »
- Տօքթ. Գր. Տէր Գէորգեան »
- Կարօ Ներէսեան, Հաւուեմբնիչ

Ալեքսանգրիոյ Հ.Բ.Ը. Միութիւնն ալ 9 Ապրիլ 1961 ին, Կիրակի առաւօտ, Միութեան ժամադրովայրին մէջ — Քան տը Սէզար — գումարեց քարտկան Ընդհ. ժողովը և ընտրեց նոր վարչութիւնը հետեւեալ ազգայիններէն.—

- Տիրաք Լեւոն Եղիաեան, Ասեճապետ
- Մկրտիչ Նալպանտեան, Ասեճաղախ
- Նուպար Գարկաեան, Գանձապետ
- Խաչիկ Մազլմեան, Խորհրդակաճ
- Լեւոն Հիւրմիւզ, »
- Նազարէթ Զամպաքեան, »
- Արշալիք Կէօնճեան, »

ՆԵՐՍԱՍԱՐԴԱԿԱՆ ԵԱՐԺՈՒՄ.

Գահիրէի Հ.Բ.Ը. Միութիւնը իր հետապնդած նպատակներէն կարեւորագոյնը կը նկատէ Երիտասարդութեան հայեցի դաստիարակութեան սատար հանդիսանալու պարագան և այս նպատակաւ ալ կազմակերպած է Երիտասարդաց Մշակութային Մարմինը՝ 1955 էն իլեր Միութիւնը Երիտասարդական այս շարժումը կը քաջալերէ նիւթական ամէն տեսակ զոհողութեանց յանձնառու ըլլալով և կը կազմակերպէ հասարակական դասախօսութիւններ, զբօսապտոյտներ, այլ և այլ հաւաքոյթներ — Իսկ հետզհետէ ճոխացող իր ԵԱԳՈՒՊ ԱՐԹԻՆ գրադարանը կը տրամադրէ սուսմնասէր երիտասարդութեան և բոլոր անդամ անդամակիներուն սոհասարակ, Եւ վերջապէս Ազգային և Կրօնական տօներու ինչպէս և զանազան պատեհութիւններով սարքուած թէյասեղանները կամ պաշտպան

կասեղանները, գեղարուեստական կոկիկ յայտագիրներով համեմուած, Բարեգործականի մեծ ընտանիքին մաս կազմող այս սերունդը դաստիարակելու կը ձգտին և առիթը կուտան որ երկսեռ երիտասարդութիւնը զիրար լաւ ճանչնայ և վայելէ Բարեգործականի հովանիին տակ հայկական մաքուր և անխտրական մթնոլորտի մը բարիքները։ Ուրախ ենք որ մեր երիտասարդ-երիտասարդուհիները կը գնահատեն իրենց համար մտահոգուող Միութեան զօհողութիւնները, և փոխադարձաբար կը ջանան արժեցնել զանոնք, իրենց կարգին կազմակերպելով զանազան ձեռնարկներ, որոնց առաջինը եղաւ Մարտ 5 ին, ՆԱԹԼ ՀՈՒԼԻ մէջ տրուած հրապարակային հանդէսը, որ կը բաղկանար թատերական և գեղարուեստական բաժիններէ և որ արձանագրեց զնահատելի յաջողութիւն մը Այս առիթ մասնաւորապէս կը շնչտենք մեր երիտասարդներուն և երիտասարդուհիներուն հանդէսը կարելի եղած յաջողութեամբ գլուխ հանելու մասին ցուցաբերած նախանձախնդրութիւնն ու ազնիւ ոգին։ Գեղարուեստական բաժինին իրենց բարեհաճ մասնակցութիւնը բերին Տիկին Ա. Թաշճեան՝ դաշնակի ընկ. Տիկին Շ. Ի. բէքեանի և Պ. Յակոբ Գասպարեան՝ դաշնակի ընկերակցութեամբ Տիկ. Ս. Նշանեանի, — ՄԵՆԵՐԳ — Օրիորդ Շողիկ Տատրեան և Պ. Տիգրան Տաքէսեան — ԴԱՇՆԱԿ — Օրիորդ Թերէզ Պարսոյեան և Պ. Վարուժան Պետրոսեան - ԱՐՏԱՍԱՆՈՒՊ ԻՆՆ - և հաւաքոյթին առաջին մասը վերջ գտաւ Պ. Օսնիկ Գալուստեանի «ԱՂԱՒԻՆՈՒՎԱՆՔԸ» ի շատ պաւորիչ արտասանութեամբ։

Յայտագրին երկրորդ մասը սկսաւ անմահն Պարոնեանի «Արեւելեան Ատամնաբոյժը» ի բեմադրութեամբ, զոր ամփոփած և ներկայանալի թատերախաղի մը վերածած էր ողբացեալ Վահան Հոպէշեանն Դերակատարներ՝ Օր. Թերէզ Պարսոյեան և ՊՊ. Խաչիկ Եաղճեան, Վարուժան Պետրոսեան, Միքայէլ Ժամկոչեան, և Աւետիս Մինասեան իրենց լաւագոյնը ըրին թատերախաղին բեմադրութեան յաջողութիւնը ապահովելու համար։ Այս կատակերգութեան յաջորդեց Տօն Փիէթրօ Քարուզզօի մէկ արարնոց ողբերգութիւնը, խաղարկութեամբ Օրիորդ Արշալոյս Տէր Պետրոսեանի, Պ. Շաւարշ Գա-

րանֆիլեանի և դերասան Սեդի Գօչուենեանի որ կազմակերպիչն ու դերուստյցն էր մի- ախմամանակ այս թատերախաղին ինչպէս և «Արեւելեան Ատամնաբոյժ»ին: Այս ողբեր- զութեան բեմադրութիւնն ալ յաջողու- թեամբ պսակուեցաւ և բոլոր դերակատար- ները արժանացան ներկաներու ջերմագին ծափերուն:

Լսարանի Հիմնադրութիւն.—

Ապրիլ 23ին, կէս օրէ վերջ ժամը 6ին, բազմաթիւ անդամներու և համակիրներու ներկայութեան, Հ.Մ.Ը.Մ.-նՈՒՊԱՐԻ Մար- զադաշտին մէջ կատարուեցաւ Բարեգոր- ծականի ապագայ Տան համար վերապահ- ուած գետնին վրայ Լսարանի մը հիմնադ- րութիւնը, որ պիտի լինենայ 11×18 մէթր

տարածութիւն և պիտի ծառայէ որպէս ժո- ղովատեղի և ձմեռնային հաւաքավայր, որ օժտուած պիտի ըլլայ նաեւ ճոխ զրադա- րանով մը: Հիմնարկէջին ներկայ էին բացի Հ.Մ.Ը.Մ.-նՈՒՊԱՐԻ վարչութեան յարգելի անդամներէն, մեր Տիկնանց ժրջան յանձ- նախուժքը, որ այդ օրուան համար պատ- րաստած էր համադամ խմորեղէններ, որոնք զովացուցիչներով մեծարուեցան ներկայ հիւրերուն: Լսարանի այս շէնքը կը կառուց- ուի Մարզարանի անդամներուն և համա- կիրներուն բացառիկ զոհողութիւններով: Կը նախատեսուի շինութեանց և կահաւոր- ման համար աւելի քան 2000 սակիի ծախք մը: Արդարեւ գովելի և գնահատելի է Մար- զարանի վարիչներուն և անդամներուն հայ երիտասարդութեան համար կատարած այս օրինակելի զոհաբերութիւնը:



ՀԻՄՆԱԲԿՈՒԹԻՒՆ
Հ.Բ.Ը. Միութեան Հ.Մ.Ը.Մ.-նՈՒՊԱՐ Լսարանի:

Հոչակաւոր Երգահան եւ Հայ ժողովուրդի պարծանք Արամ Խաչատրեան մեք մէջ:

Ապրիլ 16 ին, կէս օրէ վերջ, ժամը 5. 45 ին օրի ճամբով Գահիրէ ժամանեց Հայ ժողովուրդի պարծանք զաւակը Արամ Խաչատրեան իր շնորհալի Տիկնոջ հետ: Բաղմահազար հայեր եւ արուեստասէրներ հաւաքուած էին օրակայան սւր Վարպետին ներկայութիւնը ողջունուեցաւ «Գարուն Երեւան» երգով եւ ծաղիկներու տարափով: Բարի գալուստի եկած էին պետական օփերայի տնօրէն Պ. Նահաս, երաժշտագէտ Ապու Պաքը Խայրաթ, Գահիրէի Սէնֆոնիք Նուագախումբի վարիչ Ժ. Զորաքովիչ, պաշտօնական անձինք եւ մամուլի ներկայացուցիչներ: Տէր եւ Տիկին Խաչատրեան իջեւանեցան Շէփըրժ պանդոկը եւ իրենց Եգիպտոս բնակութեան ընթացքին հիւրը եղան մեր բարեխնամ կառավարութեան:

Եգիպտոսի մէջ, Ա. Խաչատրեան տըւաւ 4 նուագահանդէս, որոնցմէ մէկը ի նըպատ Գալուստեան Ազգ. Վրժ. Ի. Ապրիլ 21 ին: Ուրբաթ օր Շէփըրժ պանդոկին մէջ մեր լուսամտի եւ մշակութասէր նախարարը՝ Պ. Սարուաթ Օքաշա, պատուոյ ճշգրտութ մը սարքեց ի պատիւ Խաչատրեան ամուլին, որուն հրաւիրուած էին նաեւ արուեստի եւ մշակութի գործիչներ: Ճաշկերոյթի ընթացքին յարգելի նախարարը յանուն Արաբական Միացեալ Հանրապետութեան կորովի նախագահ Կամալ Ապսէլ Նասերի, Արամ Խաչատրեանի շնորհեց նեղօտի Առաջին Կարգի Մանեակը, իսկ Երկրորդ Կարգինը՝ Գահիրէի Սէնֆոնիք նուագախումբի վարիչ Ժ. Զորաքովիչի:

Մայիս 2 ին, Հիւթըն պանդոկի մէջ, Ազգային Իշխանութեան եւ մեակութային մարմիններու նախաձեռնութեամբ եւ Առաջնորդ Սրբազան Հօր Նախագահութեամբ տեղի ունեցաւ շքեղ ընդունելութիւն մը ի պատիւ Տէր եւ Տիկին Խաչատրեաններու: Մասնակցեցան աւելի քան 500 ազգայիններ: Գործադրուեցաւ զեղարուեստական յայտագիր եւ ներկաներէն շատեր ունե-

ցան յարգանքի եւ սքանչացումի ելոյթներ: Գահիրէի հայ գաղութը գիտցաւ յարգել եւ պատուել Հայ անունը պանծացնող իր մեծահանճար աղագիցը:

Արամ Խաչատրեան Բարեգործականի Հ.Մ.Ը.Մ.-ՆՈՒՊԱՐ մարգարանին մէջ.—

Ապրիլ 30 ին մեծ պատրաստութիւն կար Հ.Բ.Ը. Միութեան Հ.Մ.Ը.Մ.-ՆՈՒՊԱՐ Մարգարանին մէջ: Նոյն գիշերը մեր բաղմաթիւ անդամներն ու բարեկամները ժամադրուած էին մեր մարգարանին մէջ, հոն տօնելու համար Մայիս 1ը եւ մանաւանդ ողջունելու, անգամ մը եւս մեր հանճարեղ ազգակիցը իր աննման տիկնոջը հետ, որոնց երաժշտական ելոյթները անմոռանալի



Ա. Խաչատրեան օգնապատուած մեր ժազան Տիկիններով եւ Օրիորդներով

պիտի մնան Եգիպտոսի մէջ: Մարգարանը շատ կանուխէն լեցուած էր եւ սեղանները գրաւուած, երբ կէս գիշերը անց, Տէր եւ Տիկին Արամ Խաչատրեան եւ իր շքախումբը եւ այլ բարեկամներ, խանդավառ ծափերու մէջ մուտք գործեցին եւ առաջնորդուեցան պատուոյ սեղանը, գրաւելու համար իրենց վերապահուած տեղերը: Մեծանուն Վարպետը, հազիւ աւարտած նոյն գիշերուան նուագահանդէսը փութացած էր, «կակառակ իր ակներեւ յոգնութեան» մեղի հետ տօնելու Աշխատանքի եւ Նշխարու-



Տիկին Նինա Մախարովնա Խաչատրեան

Թեան Տօնը շէնչող, զուարթ և տրամադիր մասնակցելով գիշերային խրախճանքին իր բարեշնորհ կէսին հետ, որ միշտ հաճոյակատար, միշտ իր մեծութեանը մէջ համեստ սւ խոնարհ, շրջապատուեցաւ մեր Տիկնանց Յանձնախումբի ժրջան և անխոնջ Տիկիններով և Օրիորդներով, որոնք իրենց լաւագոյնը ըրին՝ անթերի սպասարկութեամբ և վայելուչ մեծարանքով պատուելու համար մեր թանկագին և սիրելի հիւրերը: Ու բաժակները բարձրացան և կեցցէներու և սրտագին բարեմաղթութեանց մէջ, 'Տիկին Նինա Մաքարովնա Խաչատրեան բարեհաճեցաւ երեկոյթի Առաջին պարը պարել Մարգարանի յարգելի Նսխազահին' Պ. Պերճ Ետզուպեանի հետ: Եւ խրախճանք, և՛ ուրախութիւն, և՛ պար ու ծաղկազարդ ճոխ սեղաններու վայելք, մինչեւ առաւօտեան առաջին ժամերը ...

Ուրախ ենք որ մեր մեծանուն Հայրենակիցը՝ Պաշտօնատան Ամօլը, Ազատ Եզիպտոսէն հետը տարաւ Մայիս Մէկի այս անմոռանալի հաղիսութեան քաղցր յիշատակը:

Այցելուքիւն.—

Մայիս 17ին, հաճոյքն ունեցանք Բարեգործականի գրասենեակին մէջ ընդունելու Եւրոպայի Հ.Բ.Ը. Միութեան կեդր. Յանձնաժողովի անդամներէն և Բարիզի մեր Շիքարաբ հանդէսի աշխատակիցներէն Տիար Հայկ Թօփաքեանի այցելութիւնը, որուն հետ ու-



Տեր և Տիկին Արամ Խաչատրեաններ պատուոյ սեղանին



Հ.Մ.Ը.Մ. ՆՈՒՊԱՐԻ սրահի հիմնադրուիւն

նեցանք Միութեան գործունէութեան մասին շահեկան տեսակցութիւն մը: Տիար Թօփաքեան այցելեց նաև Հ.Մ.Ը.Մ-նուպար մարզարանը, ընկերակցութեամբ մեր յարգարժան պաշտօնակից Տիար Վ. Գարտաշեանի և հանդիպում ունեցաւ նաև կեդրոնական Յանձնաժողովի Դիւանի յարգելի անդամներուն հետ: Ս.Շ.

Մ Փ Ի Ի Ռ Ք Ա Հ Ա Յ

Կ Ե Ա Ն Ք Ի Ն

Նիւ-Յորք .—

Պետրոս Մանուէլեան, Նիւ-Յորքի Ճորճ Վաշինկթըն բարձրագոյն վարժարանը այս տարի աւարտեց 909 աշակերտներու մէջ, առաջին հանդիսանալով . շահած է 100 ի վրայ 97.3:

Այս առթիւ ստացած է 1700 տոլարի կրթաթոշակը, շարունակելու համար իր ուսումը Գոլէճի մէջ: Ստացած է Անգլիական բաժնիի և Ամերիկեան Լէզէոնի չքանչանները Ֆի, պիթա, կաբա սկզբնատառերը կըրելու իրաւունք, որ կը շնորհուի բացառիկ յաջողութիւն արձանագրած աշակերտներու: Ստացած է նաեւ յատուկ չքանչան սպաններէնի համար:

Պետրոս Մանուէլեան մարդասէր երիտասարդ մըն է, և իր հարազատ լեզուն սորված է Նիւ-Յորքի Սուրբ Սալ Վարժարանին մէջ, որուն ընթացքը աւարտած է յաջողութեամբ:

Հ.Բ.Ը. Միուրեան Ուոթըրս ու լ ի Տան մեջ Տիկին Վալա Խաչատուրեանի Յուցահանդիսը .—

Անցեալ Հոկտ. 16 ին Հ.Բ.Ը. Միութեան Ուոթըրթաուսի սեփական կեդրոնին մէջ, պաշտօնական բացումը կատարուեցաւ Տիկ. Վալա Խաչատուրեանի նկարներու ցուցահանդէսին, մեծ բազմութեան մը ներկայութեան:

Ցուցադրուած էին նկարչուհիին վրձինէն ելած աւելի քան 30 նկարներ, մեծ մասով իւզաներկ գործեր, ինչպէս նաեւ ջրաներկ և «կուաշ» պատկերներ: Մասնաւորաբար աչքի կը զարնէին իր հայկական բնաշխարհի անսարաններուն ու պատմական վայրերուն նկարները: Այս ցուցահանդէսը որ տեւեց մինչեւ ամսուն վերջը, երկրորդն էր որ տեղի ունեցաւ Հ. Բ. Ը. Միութեան շէնքին մէջ, իբրև մշակութային ձեռնարկ:

Քանասա, Թորանթո .—

Տիկին Պապահանի Գուերթ Ամենայն Հայոց Վեհափառ Հայրապետին

Ն.Ս.Օ.Տ.Տ. Վաղգէն Ա. Ամենայն Հայոց Կաթողիկոսի Թորանթո այցելութեան առթիւ, Տիկին Բերուդ Պապահան, ըստ հայրենական աւանդութեան, ճաշկերոյթ մը սարքեց ի պատիւ Վեհ. Հայրապետին իր Արմաւիր ապարանքին մէջ. Արեւելեան ճաշկոով կահաւորուած սրահներէն մէկուն մէջ, Վեհին ուշադրութիւնը գրաւեց ի մէջ այլոց, Այվադովսկիի երկու իւզանկարները:

Նոյն գիշերն իսկ Ռոյըլ Եորքի պանդոկին մէջ, ազգային մեծ ճաշկերոյթին՝ խօսնակը յայտարարեց, ի ներկայութեան պետական և զանազան եկեղեցիներու ներկայացուցիչներու. թէ Տիկին Պապահան Ս. Էջմիածնի կը նուիրէ Այվադովսկիի երկու թանկարժէք նկարները, և հրաւիրեց ազնիւ Տիկինը որ անձամբ յանձնէ զանոնք Վեհափառին:

Տիկին Պապահան, յուզումով և երկիւղածութեամբ մօտեցաւ Վեհափառին, ըսելով .

— Այս նուէրը կ'ընեմ ոչ թէ իմ՝ այլ Թորոնթոյի նայութեան կողմէ, ու երբեք չէի կրնար երեւակայել թէ օր մը պիտի արժանանամ այս երջանիկ օրուան, ու մեծ պատիւ ին, իմ ձեռքովս իսկ Ամենայն Հայոց Հայրապետին նուիրելու այս նկարները, որպէսզի անոնք գրաւեն իրենց արժանի տեղը Ս. Էջմիածնայ Վեհարանին մէջ:

Հ. Բ. Ը. Միութեան Թորանթոյի մասնաճիւղը երախտադրութեամբ կ'արձանագրէ Տիկին Պապահանի ազգասիրական օգին:

Հարաւային Ամերիկա .—

Պուկնոս Այրեսի Ապրիլեան Յուտագանից հիմնարկէք

Ինչպէս ծանօթ է Պուէնոս Այրէսի Հայոց Մայր Եկեղեցիի բակին մէջ կը բարձրանայ Ապրիլեան Նահատակներուն նուիրուած յուշարձանը: Բացումը տեղի ունեցած է արդէն: Ապրիլեան սերունդի ներկայացուցիչներ՝ Օր. Սիրանոյ և Պ. Պօղոս Արզումանեան հարազատներու ծախքերով կառուցուած է այս յուշարձանը:

Յրանսաւ .—

Յրանսական բեմին վրայ 1960 ի ընթացքին փայլեցան հետեւեալ հայ դերասանները .—

— Ռօզ Վարդ , որուն իւրաքանչիւր խաղարկութիւնը յաջողութեամբ պսակուեցաւ :

- Ռէյմոն-Հերմանդիէ-Մարութեան,
- Արամ Ստեփան,
- Էտմոն Թամիզեան, մրցանակի արժանացած,
- Ժան Ժազ Ասլան,
- Ծանիկ-Ծանիկեան և ուրիշներ :

Բոլորն ալ ցոյց տուին իրենց անժրխտելի տաղանդը :

Արաբական Միացեալ Հանրապետութիւն .—

Հալեպի հայ ծերանոցին մէջ կեդրոնական ջեռուցման հաստատումին և սառնարան սենեակի մը համար, Միացեալ Ազգերու կազմակերպութիւնը 21 հազար տոլար յատկացուցած է :

Միւս կողմէ, նոյնպէս 20 հազար տոլարի նուիրատուութիւն մը պիտի կատարէ Կիւլպէնկեան Հաստատութիւնը :

Լիբանան .—

Անուանի գրագէտ Հ ր ա չ Ե ա յ Բ ո չ ա ր Պեյրուքի մեջ .

Տաղանդաւոր և անուանի գրագէտ ու արձակագիր Հրաչեայ Բոչար, 22 Յունուար 1961, Երկուշաբթի օր Պաղատաէն գալով Պէյրութ ժամանեց, և կայարանին մէջ դիմաւորուեցաւ Պէյրութահայ գրասէրներու և մտաւորականներու կողմէ :

Հրաչեայ Բոչար ծնած է Ալյաշկերտի — Բագրեւանդ — Ղուժլու-Պուճախ գիւղը : 1915 ի ջարդերու տառն կորսնցուցած է հայր, մայր, եղբայրներ և քոյրեր : Ապրած է հայ ժողովուրդի տառապանքը, ինքզինքը նեղած է Հայաստան և հոն հասակ նեղած : Տարիներով, Հրաչեայ Բոչար եղած է սեւաւազոր թանուոր, դառնալու համար այսօրուան վաւերական գրագէտ - արձակագիրը, որուն անունը բարձր կը հնչէ այսօր Հայաստանի սահմաններէն ալ անդին : Հրաչեայ Բոչար նախապէս գրած է վիպակներ, պատմուածքներ, նշանաւոր են ռազմաճա-

կատէն ղրկած Թղթակցութիւնները : Իսկ իր ամենէն արժեքաւոր գործն է Մեծ Տաճ Զաւակները, որ տասնեւչորս տարիներու աշխատանքի արդիւնք է :

Մեծ գրագէտին շրջապատյալ Լիբանանի մէջ, մեծ խանդավառութեամբ ընդունուեցաւ : Այցելեց հայ վարժարանները — Յով-Մանուկեան, Սահակեան, Դարուհի Յակոբեան, Սահակ-Մեսրոպեան, Ռուբինեան, Տեմիրճեան վարժարանները, և Փալանճեան Ճեմարանը, ռեզերւելով ուսանող սերունդը, յուզելով և յուզուելով :

Անուանի հիւրը մամուլոյ ասուլիս մը տուաւ հայ և արաբ Թղթակիցներու : Այցելեց լիբանանահայ թերթերու խմբագրատունները և զրոյցներ ունեցաւ անոնց խմբագիրներուն և աշխատակիցներուն հետ :

Հրաչեայ Բոչար հանդիպումներ ունեցաւ Լիբանանահայ Վերածնունդ Միութեան, Շիրակ ամսագրի, Նոյիրի գրական շաբաթաթերթի, Գրական Շրջանակի, Նոր Սերունդ Մշակութային Շարժումի անդամներուն և անոնց համակիրներուն հետ : Խօսեցաւ Թէքէեան Մշակութային տան մէջ, հսկայ բազմութեան մը ներկայութեան :

Բոչար անջնջելի տպաւորութիւն մը ձգեց հայրենակարօտ մեր ժողովուրդին վերայ, և շաբթուան մը տենդոտ ու անխոնջ վազքէ մը ետք, մեկնեցաւ Հայրենիք, մեզի ժառանգ ձգելով սա հոգեբուխ ու իմաստալից խօսքը .—

« Հեռու ենք իրարից աշխարհագրականօրէն, բայց միասին ենք հոգով » :

Երիասաւրդ Զուրպակահար Վ ա ր ու ժ ա ց

Գ ո ճ Ե ա ց ի յ ա ղ ր ա ց ա կ ր .—

Խեղայեղ ընդունելութեան մը արժանացաւ Վարուժան Թէաթրը տիւ Լիպանի մէջ, Երեքշաբթի, 7 Մարտին : Այս նուագահանդէսը եկաւ հաստատելու անգամ մը եւս անոր հրաշալի տաղանդը : Բացառիկ արժէք մը միայն հ'արժանանայ հասարակութեան խանդավառութեան : Անկասկած, Վարուժան վիրքիօզ մըն է, բայց ինչ որ հազուագիւտ է, նոյն այդ վիրթիժօզին մօտ գտնելն է գերազանց թէքնիք մը և ա'յնքան խոր երաժշտականութիւն մը : Ի'նչ աղնուական և անբիծ ոճ : Ամէն ինչ իր

մօտ յատակ է, հաւասարակշռուած, խոհական: Բայց խանդաղատանքի մասերն ալ խոր քաղցրութիւն մը կը կրեն: Իր աղեղը ծայրայեղօրէն փայլուն է, կը կախարդէ իր խանդով, բայց ատիկա արգելք մը չէ, որ ան ըլլայ շատ զգայուն երաժիշտ մը: Իր այս առաւելութիւնը կը պարտի անշուշտ իր ուսուցչին՝ Կամալիանին, որ մեզի կը զրկէ Վարուժան մը՝ հասունցած, տէր՝ իր արուեստին և որուն անհատականութիւնը չեշտուած է գեղեցիկ վստահութեամբ մը: Զայքովսքիի քոնչերթոն նուագեց զմայլելի ճշգրտութեամբ մը, առանց բան մը զոհելու անոր դիտարժան գործադրութենէն: Ա. գեղի տիրապետութիւնը, մասներու ճկունութիւնը, յուզումի զսպուած ուժգնութիւնը և փայլուն վերջաւորութիւնը խոր ապաւորութիւն գործեցին հասարակութեան վրայ, որ թնդացուց սրահը խանդավառ և պուփփոններով:

Զայքովսքիի յաջորդեց Շոստըր, որ անգամ մը եւս երեւան հանեց ջութակահարին աչքառու առաւելութիւնները: Ռավելի նշանաւոր Յիկանը ռեսիթալին հրախաղը եղաւ: Անոր մեկնաբանութիւնը ամէն տեսակէտով կատարեալ էր, շնորհիւ թէքնիքի տոկոնութեան և խաղին փայլուն ամբողջութեան: Այս կտորին մէջ, որ Ռավելի դժուարագոյն և փշոտ գործերէն մէկն է, Վարուժան կրցաւ երեւան բերել անոր փառաքչական բոլոր երանգները, հակառակ իր ջութակին տնրաւարարութեան: Շոստրի և Ռավելի միջեւ «Այլէի Պարը», Ուչատուրեանի մէկ պղտիկ գրաւիչ կտորը, ֆորթլորին ներշնչումով, հանգիստի պահ մը եղաւ: Հասարակութեան խելայեղ ծափերուն առջեւ տեղի տալով Վարուժան նուագեց Սարազաթի «Յիկօյներվայգեն»ը, որ ունկընդորուեցաւ երկիւղած լուսթեան մէջ: Իսկ Շոփենի «Նոքթիւռն»ը նուագուեցաւ իրական բանաստեղծի մը կողմէ, որ գիտէ իր անձին իշխել:

Յառաջիկայ Յունիսին, Գալուստ Կիւլպէնկեան Հիմնարկութեան հրաւէրով, ուրկէ կրթաթոշակ մը ստացաւ Միացեալ Նահանգներ երթալու համար, Վարուժանը Լիբանանը պիտի ներկայացնէ՝ իբր մենանուագող՝ Կիւլպէնկեան Փառատօնին, նուագելով երկու նուագահանդէսներու, մէկը Լիզպոն, միւսը՝ Օփորթօ: Ամփոփուած «ԱՅՖ»-ին

Պէյրուք — Յոբելիական Հանդիսութիւն Թրքահայոց Պատրիարք Ամեն. Տ. Գարեգից Խաչատուրեանի նուիրուած:—

1960 Դեկտ. 11 ին, Կիրակի կ.վ. ժամը 4ին, Յովակիմեան-Մանուկեան Վարժարանի Գալուստ Կիւլպէնկեան հանդիսատարին մէջ, հոծ բազմութեան մը ներկայութեան, տեղի ունեցաւ Ամենապատիւ Տ. Գարեգին Պատրիարք Խաչատուրեանի Յոբելիական հանդէսը՝ անոր ծննդեան ութսունամեակին առիթով:

Հանդիսութեան յայտագիրը, որ պատրաստուած էր Պէյրութահայ Մշակութային Միութիւններու կողմէ, վարեց Կիլիկիոյ Աթոռի Օրինապահ Միաբանութեան անդամ Հոսէյնարհ Գէորգ Վրդ. Կարպիսեան, որուն բացման խօսքին յաջորդեց Հայ Երգիչներու Անսանյալը որ յաջողութեամբ երգեց Էջմիածին. Ի Հօրէ շարականը, ինչպէս նաև Հայրապետական Մաղթանքը, ղեկավարութեամբ Տօքթ. Է. Էլմաճեանի:

Այս երկու երգերն ալ յոտնկայս և երկիւղածութեամբ ունկնդրուեցան ներկաներուն կողմէ:

Վեհափառ Հայրապետին որբատառ կոնդակը՝ Ամեն. Գարեգին Պատրիարքի Յոբելիանի առնչութեամբ, կարդացուեցաւ Հոգչ. Գիւտ Վրդ. Նագագալեանի կողմէ:

Տիկին Մ. Էրվանեան արտասանեց Յօբելիար Պատրիարքին ստեղծագործութիւններէն՝ Տասնադի Գնարը:

Գերշ. Գնէլ Եպիս. Ճէրէճեան հանգամանօրէն և յաջողապէս ներկայացուց Գարեգին Սրբազանին կեանքն ու գործը, հիացումի և յարգանքի զեղուն բառերով:

Տիկին Ա. Գուլումճեանի մեներգէն ետք, խօսեցաւ բանաստեղծ Վահէ Վահեան, Յոբելիար Սրբազանին գրական վաստակը պարգելով: Պր. Ս. Մինասեան յատակ առաջանութեամբ արտաստեց Գարեգին Պատրիարքին ստեղծագործութիւններէն՝ «Բարձունքն ի Վերջը»: Տիկին Ա. Ալթունեան՝ մեներգով, Պր. Ս. Էմմիեան, Տիկ. Զ. Պուճիքանեան և Օր. Ռ. Ժամկոչեան դաշնակով, հանդէսին փայլը աւելցուցին:

Վերջապէս բեմ բարձրացաւ Բարձրանորհ Սադ Ս. Արքեպիսկոպոս իբր նախագահ օրուայ հանդիսութեան: Սրբազան

պարզեց իր յուշերը և տպաւորութիւնները՝ Գարեգին Պատրիարքի մասին, մօտէն ճանչցած ըլլալով զայն, և կոչելով Սրբազան Յորեկեարը՝ ներկայ հայ կղերականութեան գագաթներէն մին:

Հանդէսը փակուեցաւ Նախագահ Սըրբազանին Պահպանիչով:

Մահ՝ Հայր Պօղոս Ծ. Վրդ. Արիսի,

Վեթեան Անդամ Հ.Բ.Ը. Միութեան.—

1961 Յունվ. 24 ին Երեքշաբթի օր, ժամը կ.ա. 1.30 ին, երկարատեւ հիւանդութենէ մը ետք, Օթէլ Տիէօ հիւանդանոցին մէջ, իր մահկանացուն կնքեց Պէյրութի Պուրճ-Համմուտ թաղամասի Բաղաքապետութեան Նախագահ և Չմամուի Միաբանութեան նախկին Մեծաւոր Հայր Պօղոս Ծ. Վրդ. Արիս:

Եկեղեցական կարգը կատարուեցաւ Հինգշաբթի առաւօտ, 26 Յունուար, որմէ վերջ մարմինը փոխադրուեցաւ Չմամուի վանքը, ուր տեղի ունեցաւ թաղումը:

Հայր Պօղոս Արիսի կեանքն ու գործունէութիւնը սերտօրէն կապուած է Լիբանանահայ պատմութեան հետ: Հայ գաղթականութեան առաջին կարաւաններուն ժամանումին հետ, հանգուցեալը տարած է գործօն և դրական աշխատանք, իբր Խնամանատարական Մարմնի վարիչ դէմք, իբր հոգեւորական և արարերէն լեզուի քաջածանօթ անձնաւորութիւն մը: Իր հանրային գործունէութեան բեղուն շրջանը հանդիսացաւ վերջին տասնամեակը: Իր նախագահութեան օրով էր, որ Պուրճ-Համմուտի հայաշատ կեդրոնը դարգացաւ շինարարական այլազան ձեռնարկներով:

Հայր Պօղոս Արիս մեծ ծրագիրներու մտրդը եղած էր: Ինք հիմնեց Պուրճ-Համմուտի Որբանոցը, Մեսրոպեան Վարժարանը, «Մասիս» շաբաթաթերթը, Սուրբ Պօղոս Երկրորդական ճեմարանը, եւն.:

Ան Վեթեան անդամ էր Հ.Բ.Ը. Միութեան և մինչեւ վերջ կատարեց իր անդամական պարտականութիւնները, գնահատելով այս Միութեան ազգօգուտ դերը:

Հայր Պօղոս Արիս ծնած էր Հալէպ, 1888 ին: Կրօնական ուսումը ստացած էր Պոլսոյ Սեն Լուի կղերանոցին և Չմամուի

Ընծայարանին մէջ: Բահանայ ձեռնադրուած էր 1912 ին: Իբր Ժողովրդապետ պաշտօնավարած էր Հալէպ և Պէյրութ: Եղած էր հիմնադիրն ու Վարիչը Էյրէֆիէի Հայ Կաթողիկէ Որբանոցին, 1924—1935: Պուրճ-Համմուտի Բաղաքապետութեան նախագահութիւնը վարած էր 1953—1961: Պարգեւատրուած էր Լիբանանեան Մայրիի շքանշանով՝ 1960 ին:

Յարգանք իր խնկելի յիշատակին: Ա.

Կիպրոս.—

Մտակութային Հանդէս Մեղգնեան Կրթական Հաստատութեան Գրքանոցին Կրթական Մասնաճիւղը զբաղւած էր Մայր Հայրենիքի գրական և գեղարուեստական վերելքին ներկայացման՝ արտասանութիւններով, երդերով և արտայայտութիւններով: Պր. Յ. Բամպակեանի բացման քանի մը խօսքերէն ետք, կը գործադրուի կոկիկ յայտագիր մը՝ արտասանութիւններու, մեներգներու և խմբերգներու:

Հ.Մ.Ը.Մ.ի Մեղգնեան Կրթական Հաստատութեան Սանուց Մասնաճիւղը զբաղւած էր Հանդէսը նուիրուած էր Մայր Հայրենիքի գրական և գեղարուեստական վերելքին ներկայացման՝ արտասանութիւններով, երդերով և արտայայտութիւններով: Պր. Յ. Բամպակեանի բացման քանի մը խօսքերէն ետք, կը գործադրուի կոկիկ յայտագիր մը՝ արտասանութիւններու, մեներգներու և խմբերգներու:

Ալեքոյ Պալեանի Հայրենիքի և Հողին ուղղուած գրութեան մը ընթացքումէն ետք, Գոհարիկ Խոսեղեան կ'արտասանէ «Իմ Անոյ Հայաստան» քերթուածը՝ Ազատ Վըշտունիէ, Իսկ Ասատուր Տէօվլէթեան «Երեւանի Չայնը» (Ս. Կապուտիկեան) և Լեւոն Թընկերեան՝ «Երգ Երգերը» (Գ. Էմին): Մեներգներէն՝ «Հէյ Ջան Արազը» կ'երգէ Վիկթորիա Չօլագեան, «Ջան Հայրենիքը»՝ Էլիզապէթ Թաչեան, «Աղջկայ Երգը»՝ Հրօնիփոխմէ Հայրապետեան, Իսի «Որքան Յանկացայն» Թագուհի Բարսեղեան: Հաստատութեան երգչախումբը՝ զեկավարութեամբ Պր. Մ. Աբգարեանի, յաջորդաբար կ'երգէ «Հայրենիք»ը (Ալիքսանեան), «Միծեռնակ»ը (Ջ. Գողայեան), և «Ծն իմ Անոյ Հայաստանը» (Ա. Սաթեան):

Օրուան խօսողն էր վարժարանին ուսուցիչ Նիկոլայ Տիար Ն. Յովհաննէսեան, որ արտայայտուեցաւ Հայրենի Հողը եւ Հայ

ժողովուրդը նիւթին շուրջ, ծանրանալով մասնաւորապէս Հայրենիքի փառապանծ 40 ամեակին և անոր վերելքին՝ ամէն մարզէ ներսւ Հպանցիկ ակնարկ մը նետելով անցեալին վրայ, ան հասաւ ներկայ օրերուն և վեր առաւ այն շինարարական գործը, որ յառաջ կը տարուի ներկայ Հայաստանի մէջ, մեր քոյրերուն և եղբայրներուն կողմէ, գործեր որոնք ամէն օր առաջաելական յառաջդիմութիւններ կ'արձանագրեն և կեանք կուտան մեր հողերուն:

Փակման խօսքը ըրաւ Հաստատութեան Տնօրէն Պր. Ս. Գալուստեան, որ գոհունակութիւն յայտնեց հայրենի հողին վրայ կատարուած շինարարական գործերուն համար:

Հայրենական երդերու, արտասանութեանց և խօսքերու ժամ մըն էր, զոր վայելցին աչակերտները և հազորդակից եղան վերելքի այն խանդին, որմով սոգորուած են Հայրենիքի լուսապայծառ վերադարձօնքը կերտող մեր հարազատները:

Ամենապատիւ Տ. Գաբեգիմ Արք. Խաչատուրեանի ձեռնդրեալ 80 ամեակի օգնակաւորութիւնը:

Կիրակի, 22 Յունվ. 1961 առաւօտեան ժամը 10.30 ին, Նիկոսիոյ Սինեմա Փալատի մէջ, 1000 է աւելի հայրենակիցներ, իրենց ներկայութեամբ մասնակից կը դառնային այն երախտագիտական զգացումին, զոր արտայայտել կը փորձէին Յոբելինական հանդիսութեամբ մը, Մելգոնեան Կրթական Հաստատութիւնը, Նիկոսիոյ Հայկ. Ակումբը, Հայսէհեաց Միութիւնը և Հ. Բ. Ը. Միութեան Արանց և Տիկնանց զոյգ Վարչութիւնները:

Հոգեշնորհ Գիւտ Վրդ. Նազգաշեանի րացման խօսքէն և Ամենայն Հայոց Ազգընտիր Հայրապետ Ն.Ս.Օ.Տ.Տ. Վազգէն Ա.ի սրբատառ Կոնդակի ընթերցումէն վերջ, Մելգոնեան Կրթական Հաստատութեան երգչախումբը անցաւ յայտագրի գեղարուեստական մասի գործադրութեան, երգելով Էջմիածին ի Հօրէ շարականը և Ամէն Հայի Սրտից բխած հայրապետական մագթանքը:

Պր. Ս. Գալուստեանի երգեց «Աստծոյն»

(Վ. Պէտէլեանի) իսկ Հաստատութեան Երգչախումբը երգեց դարձեալ ղեկավարութեամբ Պր. Ս. Արքարեանի, յաջորդաբար և յաջողութեամբ Տաղ Ս. Մեհրոպայ, Ով Զարմանալի, Ով Մեծասքանչ և Սօսք Իմ Որդունը: Մելիքէ Գանթարեանը զգացումով արտասանեց Յոբելեարին Լուսաւորչի Աջը, իսկ Պր. Ա. Գալուստեան կարգաց անոր Սաղաղութեան Զայնն Հնչեցաւ գրութիւնը:

80 ամեայ Յոբելեարին բեղուն կեանքի մասին ընթերցում մը ըրաւ Սերոբ Պապուճեան: Օրուան գլխաւոր խօսողն էր ծանօթ խմբագրուէի և գրագիտուէի Տիկին Սեզա, որ Պէյրութէն յատկապէս հրաւիրուած էր բանախօսելու և հանգամանօրէն ներկայացնելու Ամենապատիւ Տ. Գաբեգին Արք. Սաչատուրեանի Գրական Վաստակը:

Տիկին Սեզա բուն նիւթին անցնելէ առաջ, ըրաւ ընթերցումը այն նամակին, զոր Գաբեգին Պատրիարք գրած էր Սաք Սրբաղանին՝ Պէյրութ: Արագ բայց համապարփակ ակնարկով մը յարգելի բանախօսուէին այցելեց բոլոր այն վայրերը, որոնք գրական աղբիւրներ եղած էին ներշնչումի և դործունէութեանց՝ վերջին 60 տարիներուն: Կը հանդիպինք Ամենապատիւ Թոբելեարին քիչ մը ամենուրեք, նոր սուսուկաւորութիւններով և նոր հրատարակութիւններով: Տարօնաշուկնչ, Աշխարհի Լոյսն ի Հայս, Նարեկի աշխարհաբար թարգմանութիւնը, եւ այլն: Ուր որ գըտնուեցաւ, միշտ ալ խօսեցաւ, գրեց և գործեց իր ազդին համար: Կրնա՞ր ծոյլ և անտարբեր մնալ, երբ ինքն իր վրայ կը կրէր այն շունչն ու հոգին, զորս իրեն փոխանցած էին Ալիշան, Օրմանեան և Դուրեան սրբազանները, Վենետիկէն և Արմաշէն սկսեալ: Մտաւորական, հայրենասէր և ազգասէր, ստեղծագործեց ան իր հայ եղբայրերուն համար, քառասմբակ ուրացումներու, ուժացու մներու դէմ՝ մեր նախնիքներու մեզի փոխանցելի աւանդը անվթար պահելու բարի նպատակաւ: Հապա իր Ս. Սաչ Դպրեվանքն ու «Շոգակաթ» ամսաթերթը, որոնք կ'ամբողջացնեն հաւատարմութեան և ծառայութեան անսանձելի իղձերով և հուրով հոգեւորականը:

Տիկին Սեզա երկար և բարգաւաճ

կեանք մաղթեց Սրբազան Պատրիարք Հօր և յուսաց որ ան տեանէ իր հասցուցած հունձքը որ կը կատարէ արդէն ազգասիրական, հայրենասիրական և հոգեւոր գործ՝ իրեն օրինակին հետեւելով:

Փակման խօսքին մէջ, Պր. Մ. Գալուստեան, մասնաւոր շնորհակալութիւն յայտնեց Կիպրոսի Հանրապետական Կառավարութեան և անոր Նախագահ Մակարիոս Սրբազանին, և ըսաւ թէ ան մեծապէս ըզգացուած է այս Յորեիլիական Հանդիսութեամբ, որ իրաւ և անկեղծ արտայայտութիւնն է Կիպրահայրութեան՝ հանդէպ մտքի և խղճի անվհատ և անվրդով գագաթի մը, որ է Գարեգին Պատրիարքը:

Պր. Պէրպէրեան Կարգադիր Յանձնախումբին զրկած բարեմաղթութեան և սօրեւշատութեան հեռագիրները կարդաց և յայտարարեց թէ արտաբնիկ նուիրատուութիւններէ արդէն իսկ գոյացած է կոկիկ գումար մը, որով կը յառաջադրուի Յօրեիլեար Սրբազանին անտիպ մէկ երկը հըրատարակել Կիպրահայերու անունով:

Հոգեշնորհ Գրեւ Վարդապետի օրհնութեամբ և երգչախումբի կողմէ երգուած Տէր Կեցո՛ մաղթերգով վերջ գտաւ այս յօրեիլիական հանդէսը:

Մելգոնեան Կրթական Հիմնադրութիւնը Կիպրոսի Երգի եւ Պարի Ֆեսթիվալին Առաջնութիւնը կը օանի:

Երեքշաբթի, 13 Գեկտ., կ.ե. ժամը 2, 40 ին Տիքելիոյ (Լաւնաքայի մօտ) դպրոցի մարզասրահին մէջ տեղի ունեցաւ միջ-համայնքային Առաջին Ֆեսթիվալը՝ ազգային երգերու և պարերու: Կը մասնակցէին դըպրոցական խումբեր հայկական, անգլիական, յունական և թրքական համայնքներէն: Ֆեսթիվալը կը հովանաւորէր զինուորական խարխիխ ներկայացուցիչ-հրամանատարը, իր հետ ունենալով այլ բարձրաստիճան հիւրեր, և մասնակցող վարժարաններու տնօրէններ և ուսուցիչներ: Բազմակարիւր աշակերտներ և հանդիսականներ լեցուցած էին սրահը:

Հայ համայնքը ներկայացնելու բարձր պարտականութիւնը վստահուած էր Մելգոնեան Կրթական Հաստատութեան (երգ-

չախումբով և պարախումբով) որ ունեցաւ յայտագրին առաջին ելոյթները՝ խմբերգներ և հայկական պարեր, որոնք այնքան խնամքով և բծախնդրութեամբ պատրաստուած էին Պր. Թ. Աբգարեանի կողմէ: Յայտագրին ամբողջ տեւողութեան հանդիսականներ, բուռն ոգեւորութեամբ ունակընդրեցին հայկական երգերը և դիտեցին մեծ վայելքով հեղանկուէն պարերը հայ ազգիկներուն, որոնք յաջողութեամբ պարեցին՝ հարսանեկան պարեր և «Սարերի Հօվին Մեռնեմ»ը:

Երգչախումբը՝ յաջորդաբար և մեծ ինքնավստահութեամբ երգեց Բ. Կանաչեանի «Նէննիւր Նայը», Ա. Ալթունեանի «Մարալ Մարալ»ը, «Թօյ Նարկիդ»ը, «Հինգալլան», և «Տօրկա Տօրկա»ն, Աշոտ Սաթեանի «Լուռ Գնաց»ը և Ջ. Գոզալեանի «Միծեռնակ»ն ու ու «Երգ Բարեկամութեան»ը. խումբին մեներգիչն էր Օր. Ա. Գալուստեանը:

Ներկաները մեծապէս անուշաբան Հաստատութեան ներկայացուցած երգերով և պարերով և Ֆեսթիվալին վարիչները մեծ գովեստով արտայայտուեցան խումբին կարողութեանը մասին և շնորհաւորեցին անոր առաջնորդը՝ Պր. Ա. Աբգարեանը, որ բարձր պահեց հոյու անունն ու Մելգոնեանը և Հաստատութեան շահեցուց Ֆեսթիվալին առաջնութիւնը:

Մելգոնեանէն վերջ, Այոս Նիքոլասի նախակրթարանի աշակերտները, որոնք անգլիական բանկայիններու զուակներ են, ինչպէս նաեւ Լաւնաքայի Ամերիկեան Աքադեմիի յոյն աշակերտները, թրքական վարժարաններու աշակերտները և Տիքելիոյ Բինկ Ռիչըրտ դպրոցի աշակերտները հրամցուցին ներկաներուն յունարէն, թրքերէն և անգլերէն երգեր ու ժողովրդական պարեր: Սանդավառիչ երեւոյթ մըն էր այս Ֆեսթիվալը, որ յաջողած էր քով քովի բերել տարբեր համայնքներ խումբեր և տալ գեղարուեստական վայելք՝ ներկաներուն:

Մասնաւոր գնահատանքի և շնորհակալութեան արժանի են Նիկոսիոյ Հ.Բ.Ը. Միութեան Տիկնանցի վարիչներն ու անդամները որոնք Հաստատութեան պարախումբին համար օրերով աշխատեցան և պատրաստեցին հայկական տարազներ, որոնք հանդիսահաններուն հիացում պատճառեցին:

ՀԱՅՐԵՆԻ ԱՇԽԱՐՀ

Նոր Կիլիկիոյ Աւանք.—

Հազիւ 10 տարի կայ որ 500 տունէ բաղկացեալ այս փոքրիկ աւանը հիմնուեցաւ Կիլիկիացի գաղթականներու միջոցաւ. ան կը գտնուի Երեւանի հարաւային արեւմտեան կողմը, Հրազդանի աջ ափին վրայ, Ծիծեռնաբերդ կոչուած բլուրին ստորոտը:

Իւրաքանչիւր ընտանիքի յատկացուած տունը քարաշէն է և շրջապատուած պողատու ծառերով մշակուած պարտէզով մը: Շէնքերը ունին ամէն յարմարութիւն և մեծ մասով, օժտուած են ձայնասփիւռով և հեռաառաքիչով: Բնակիչները ընդհանրապէս Երեւանի մէջ կ'աշխատին, և բարեկեցիկ են:

Նոր Կիլիկիան ունի լայն և մաքուր փողոցներ, շատ արդիական դարմանատուն մը — Բոլիքլինիք — քանի մը սննդամթերքի վաճառատուն, և 250 հոգի բովանդակող Սինէմա - Թատրոն մը, ուր կարելի է նաեւ երաժշտական ելոյթներ և նուազահանդէսներ կազմակերպել:

— Երեւան մայրաքաղաքին Աբովեան փողոցին վրայ կը բարձրանայ նոր շէնք մը, որ ունի նախասրահներ և դահլիճներ: Իւրաքանչիւր սրահ լի է նկարներով և արձաններով կամ քանդակներով: Այդ նոր շէնքը սեփական տունն է Հայաստանի Նկարիչներուն և Քանդակագործներուն:

— Արեւելագէտ Յովսէփ Օրբելի աշքերը փակեց 74 տարեկանին: Ուսումնասիրած էր Անդրկովկասի և Փոքր Ասիոյ ժողովուրդներուն մշակոյթի պատմութիւնը: Յաջողած էր կազմել Արեւելքի և Արեւմուտքի քաղաքակրթական յարաբերութեանց համայնապատկերը: Փաստած է թէ Արեւելքի ժողովուրդները սատար հանդիսացած են ընդհանուր մարդկութեան յառաջդիմութեան:

Յովսէփ Օրբելի անդամ էր Հայաստանի Գիտութեանց Ակադեմիային:

— Եօթնամեակի ընթացքին, Երեւանի մօտ Հրազդան գետին եզերքը պիտի կառուցուի արդիական նոր մարզաւան մը:

— Երեւանի Պետական Համալսարանը, հիմնուած 1920 Դեկտ. 17 ին, իր գոյութեան 40 տարիներու ընթացքին տուած է աւելի քան 10,000 մասնագէտներ:

— Նոր Զբանգներ.— Վերջերս բացուածը կատարուեցաւ Կոտայքը շրջանի ոռոգումներու աշխատանքին, շնորհիւ նորակառոյց ջրանցքին, որուն երկարութիւնն է 45 քմ: Նոյնպէս բացուած կատարուեցաւ Արդնի Շամիրամ ջրանցքին առաջին թեւին, որ սկսաւ շահարկուիլ որոշեալ ժամկէտէն առաջ: Հաղարաւոր հեկտար տարածութեամբ հողեր սկսան ոռոգուիլ այս ջրանցքներուն շնորհիւ:

— Երեւանի Նոր Օպակայանի շինութիւնը աւարտելու վրայ է: անոր վրայ էջ կրնան կատարել ԹՈՒ - 104 և ԹՈՒ - 114 աիպի օդանաւեր: Օդակայանի բացումը տեղի պիտի ունենայ 1961 ի սկիզբները:

— Նոր Անտանոս Հայաստանի մեջ.— Եթէ ինքնաշարժով Կիրովական երթալու համար Երեւանէն դուրս ելլէք, ճամբուն վրայ պիտի տեսնէք բազմաթիւ նոր աւաններ՝ բոլորն ալ վերջին ժամանակներու ծնունդ:

Բանաքեռի և Նորքի բարձրաւանդակները ասկէ 15 - 30 տարի առաջ գրեթէ զուրկ էին բուսականութենէ:

Անցորդները կը տեսնէին չոր ու ցամաք քարեր և արեւէն այրուած դեղնագոյն և տատասկոտ լանջեր միայն: Այսօր նոյն վայրերուն մէջ փարթամօրէն կ'աճին թզկենիներ, հացենիներ, բախտածառեր, գրիկնի, բուրանոճ, սենիներ, բարախներ և այլ տեսանի ծառեր:

Պողատու ծառեր ալ տնկուած են Միայն Կոտայքի և Հրազդանի անտառներուն 50 տոկոսէն աւելի պողատու ծառեր են:

Երեւանի շուրջ 300 հեկտար տարածութեան վրայ ընկուղենի, նոռնի, ծիրանի, բալենի և կեռասնի տնկուած են:

Հրազդանը, նախկին Ախտա գիւղը, անցեալին շրջապատուած էր քարքարու և անմշակ հողերով, իսկ հիմա զգալի տարածութեան վրայ փարթամ տեսք կուտայ Հրազդան քաղաքին և շրջակայքին:

Գիրքերուց հետ

ՆՈՐ ՀՐԱՏԱՐԱԿՈՒԹԻՒՆՆԵՐ

Վերջին քանի մը ամիսներու ընթացքին Գահիրէի մէջ լոյս տեսան շարք մը գիրքեր, որոնց մասին կ'արժէ անդարառանալ: Ուրիշ առիթի ձգելով անոնց մասին

Եթէ մէկը Սեւան երթայ իր ուշադրութիւնը պիտի գրաւեն անտառները, նորաստեղծ աւաններուն, ելեկտրակայաններուն և գործարաններուն շուրջը: Նաեւ այգիները և պարտէզները: Սեւանի ստորերկրեայ ելեկտրակայանը անցնելէ ետք, լիճի սփին՝ բլուրի վրայ դարձեալ կ'երեւան փշտտերեւ սաղարթախիտ ծառերու և թուփերու շարքեր:

Աս, Երեւանի բուսաբանական պարտէզի Սեւանի բաժանումն է, իսկ անկէ քիչ աջ՝ Սեւանի անտառները: Սեւանի լիճէն աղատուած աւազներուն վրայ անտառապատութեան աշխատանքներ կատարուած են: Միայն այս տարի 1450 հեկտար նոր անտառ մշակուած է:

Սիմոնովկա ռուսական գիւղը անցնելէ ետք ուղեւորին առջև կը բացուի Դիլիջանի ձորը իր գեղեցիկ անտառներով, որոնց մեծ մասը վերջին ժամանակներու ծնունդ են:

Արհեստական գեղեցիկ անտառներ շատ կան Դիլիջանի շրջակայքը, որոնցմէ աչքի կը զարնեն կովկասեան, խրիմեան և սովորական սոճիներով հարուստ ծառատանները:

Դիլիջանէն մինչեւ Ֆիսալետով և անկէ ալ մինչեւ Կիրովական՝ անտառներով ծածկուած են լեռները և սարալանջերը: Տարիներ առաջ բոլորովին տարբեր պատկեր կը ներկայացնէին այս լանջերը՝ հեղեղատներով կտրուած և քայքայուած կարմրագորշ թեքութիւններ:

Վերջին տասը տարիներուն քսան հազար հեկտար տարածութեամբ ծառեր տնկուած են:

Հայաստանի կառավարութիւնը որոշած է անտառներով շրջապատել բազմաթիւ քաղաքներ և գիւղեր:

գրախօսականներ գրել, այժմ կուտանք անոնց անունները, հեղինակներու և հասցեներու ծանօթութիւններով հանդերձ, առ ի դիւրութիւն ընթերցասէր ազգայիններու:

Ա) «Արաբական Միացեալ Հանրապետութեան Եգիպոսի Նահանգը եւ Հայերը» (Սկիզբէն մինչեւ մեր օրերը): Հեղինակ՝ Ար. Ալպոյաճեան. հրատարակութիւն՝ Ազգային Հիմնադրամի (Թիւ 24), պատկերազարդ, Գահիրէ, 1960. Տպ. Նոր Աստղ, 350 մեծածաւալ էջ. գին՝ 60 Ե.Դ.:

Բ) «Ինքնակենսագրութիւն եւ Յուօեր» (Ազգային գործերու յարակցութեամբ): Հեղինակ՝ Էօթէն Բարադեան, Գահիրէ, 1960, Տպ. Նոր Աստղ, 200 էջ (միջակ ծաւալ, պատկերազարդ): Գին՝ 110 Ե.Դ.:

Գ) «Հրատալի Սրինգը»: Հեղինակ՝ Սա. Զօրեան: Մատենաշար «Մանկական Աշխարհ» թիւ 1: Հրատարակիչ՝ Ն. Քիւփէյեան: 24 մեծածաւալ էջ: Գին 12 Ե.Դ.: Զարդարուած գունաւոր պատկերներով: Տպ. Սահակ-Մեսրոպ, Գահիրէ, 1960:

Դ) «Հերոսական Հայութեան Անցեալին» (Զարդերը Հայաստանի մէջ): Հեղինակ՝ Յայէզ էլ Ղոսէյն: Թարգմանութիւն և հրատարակութիւն Գր. Պատմաճեանի: 72 էջ (փոքր ծաւալ, պատկերազարդ): Գին 25 Ե.Դ.: Տպ. Նոր Աստղ, Գահիրէ, 1960:

Ե) Աբու Լալա Մահարի»: Հեղինակ՝ Աւ. Իսահակեան: Հրատարակիչ՝ Յար. Մոռալեան, որուն կողմէ գիրքին մէջ աւելցրուած են Իսահակեանի բանաստեղծութիւններէն ոմանք, ինչպէս նաեւ անոր մասին գրութիւններ: 80 մեծածաւալ էջ: Գին՝ 35 Ե.Դ.: Տպ. Նոր Աստղ, 1961:

Զ) «Լուսերեսն ու Վարդերեսը»: Հեղինակ Կրիմ: Հրատարակութիւն «Մանկական Աշխարհ»ի (Թիւ 2): 24 էջ, գունաւոր պատկերներով: Գին՝ 12 Ե.Դ.: Տպ. Սահակ-Մեսրոպ, 1961:

Խմբագրութիւնս ուրախութեամբ կ'արձանագրէ հետեւեալ բերկրառիթ ամուսնութիւնները, եւ իր խնդակցութիւնները կը յայտնէ ամուսնացեալ զոյգերուն եւ անոնց ծնողաց .

Օրինորդ Ժօրժէթ Զէրտէլեան
Պարոն Կարօ Նշանեան

Կնճաճայրութեամբ՝
Ազգային Բարերար
Պր. Զարեհ Սազանեանի
23 Ապրիլ 1961:

Օրինորդ Էմմա Գալայեան
Պարոն Օննիկ Գալուստեան՝

Կնճաճայրութեամբ՝
Ազգային Բարերար
Պր. Զարեհ Սազանեանի
23 Ապրիլ 1961:

Օրինորդ Նորա Շամլեան
Պարոն Արթօ Տէր Պօղոսեան

Կնճաճայրութեամբ՝
Պր. Օննիկ Ալեքսանեանի
30 Ապրիլ 1961:

Օրինորդ Մարկրիթ Պետիկեան
Մաէսթրօ Եղուարդ Յակոբեան

Կնճաճայրութեամբ՝
Մեծահոլակ Երզահան
Արամ Խաչատրեանի
2 Մալիս 1961:



Վանիա Յակոբ Էքսէրճեան

Զուակը Միութեանս եռանդուն՝
անդամներէն եւ Հ. Բ. Ը. Միութեան ՀՄԸՄ. - ՆՈՒՊԱՐ Մարգարանի Վարիչ անդամներէն
Տիար Յակոբ Էքսէրճեանի:

ԳԵՂԵՑԻԿ ՕՐԻՆԱԿ ՄԸ

Ժ Ա Ն Ն Ա Ճ Ե Ա Ն

Բարեգործականի փայլուն եւ խոստմնալից սաներէն այժմ Կոընոպլի բժշկական համալսարանի երրորդ տարեշրջանը կը բուրբ: Ան նամակով մը խնդրած է Բարեգործականի Վարիչ մարմինէն որ այլեւս իրեն որեւէ դրամական օժանդակութիւն չընէ, տըրւած ըլլալով որ ինք գործ գտած ըլլալով ի վիճակի է այլեւս իր ապրուստը աշխատանքով նարել եւ ուսումը շարունակել: Եւ կը խնդրէ որ իրեն եղած յատկացումը այսուհետեւ տրամադրուի միջոցներէ զուրկ ուրիշ Հայ ուսանողի մը.

Աւելցնենք որ Պր. Ժան Հանեան, 1958 ին, Ֆրանսայի ամենափայլուն եւ օժտեալ ուսանողներու խումբի մը մաս կազմելով ներկայացուեցաւ Հանրապետութեան Նախագահ Զօր. Տը Կոլի:

Այս հրատարակութիւնը վճարովի չէ
Շնորհակալութեամբ կ'ընդունինք նուէրներ, մեր այս
ձեռնարկը աւելի նոյս եւ շահեկան ընծայելու համար:

— Ստանալու համար դիմել խմբագրութեանս —

مطبعة ساهاج مسروب ٢٥ شارع عرابي بالقاهرة

Printed in Egypt by SAHAG-MESROB PRESS, 25 Sharia Oraby, Caire, U.A.R.